



文苑補載續編二

玉冊文
頌教文

卷六

~ 20
2458
2





文苑黼黻續編卷之一目錄



五冊文 專號 坤成冊封 謚號

貞純王后上大王大妃尊號五冊文

貞純王后加上尊號五冊文 二

孝懿王后上王大妃尊號五冊文

純宗大王追上尊號五冊文

大王大妃殿加上尊號五冊文 四

翼宗大王追上尊號五冊文

王大妃殿加上尊號五冊文 二

大妃殿上尊號五冊文

文苑黼黻續編卷之一目錄

大王大妃殿封王妃玉冊文

孝顯王后封王妃玉冊文

大妃殿封王妃玉冊文

中宮殿封王妃玉冊文

貞純王后上謚號玉冊文

正宗大王上謚號玉冊文

孝懿王后上謚號玉冊文

純宗大王上謚號玉冊文

翼宗大王追崇上謚號玉冊文

憲宗大王上謚號玉冊文

孝顯王后謚號玉冊文

孝顯王后追上徽號玉冊文

Blank writing area with vertical lines.

文苑黼黻續編卷之一

五冊文 尊號 坤殿冊封 謚號

貞純王后上大王大妃尊號五冊文 純宗壬戌

薦綈禮於清廟邦舊命新颺顯冊於東朝標尊居正
祗循恒典庸昭謙光恭惟睿順聖哲莊僖惠徽翼烈
明宣綏敬王大妃殿下天為宗祊國有聖母配皇祖
巍蕩之德四紀翟儀翊寧考授受之謨再真鴻業自
勛華之繼陟坤化采彰雖任妣之嗣徽陰功莫尚榮
予小子壹是慈恩萬機仰宣仁之治薦惟靚穆三朝
奉長樂之養裘冕顯昂先志適追大義建諸天地群

文苑叢書
卷一
一
疹廓掃彞倫炳若日星邪正忠逆之洞分指顧回綴
旒之勢仁恩惠澤之旁達精誠藹絲綸之間雲馭寢
遐尚幸閔覆之孔邇春暉長駐益賴保佑之无疆嗟
至德必得其名猗淵衷讓而不有三后之故事昭載
政屬揄揚之期十行之温音誕宣莫曰冲挹之志興
情縱阻於闡美邦禮幸舉於加隆周作受同既統序
之責定殷廬即吉迺物采之咸陳著雍之往跡追惟
曷任孺慕重熙之瑞運方啓允叶藝章謹奉冊寶尊
為大王大妃伏惟寶位崇崇第祿滿至玉簡金篆播
洪猷於八方北斗南山承歡顏於千歲

禮曹判書
李晚秀製

貞純王后加上尊號玉冊文

純宗甲子

慈烈無競三奠洪基母儀彌尊八揚顯冊述先王志
昭上天休恭惟睿順聖哲莊僖惠徽翼烈明宣綏敬
大王大妃殿下德冠后妃功參造化翊兩聖龍飛之
運誕敷億萬年宗祚荏苒四載翟衣之朝首揭第一等
義理天降大任厚坤幹玄宰之機民無能名瑞婺臨
紫微之座允東土含生之類咸歸慈恩予小子垂拱
而成賴有今日屬當延英殿虛席爰命鸞儀司撤簾
璇闈穆清內廷之庶務初釋玉音諄懇王室之一念
猶勤歛神功而不居譬若時雨之既洽瞻寶位之有

邃益覺泰山之增高况聖壽恰躋六旬荷嘉徵嚮用
五福凝至道於耳順靈春載回享隆養而色康祥暉
長駐奚直抃手蹈足庸彰齊天之禧惟有鏤玉摹金
庶伸愛日之悃循輿情而勉謙挹之德稽邦典而極
揄揚之儀謹奉冊寶加上尊誦曰光獻丕顯其光配
徽音於任姒齊聖曰獻此洪誦於勛華伏惟彤管颺
輝寶籙衍慶仁之至義之盡八方仰保佑之謨德益
邵名益崇千秋膺熾昌之頌

大提學李
晚秀製
純宗乙丑

貞純王后加上尊誦玉冊文

喜懼深切頌寶甲之重逢哀樂相因愴瑤冊之載舉

曾謂進誦而抃手那知行禮以減容恭惟睿順聖哲
莊僖惠徽翼烈明宣綏敬光獻大行大王大妃隆四
紀母儀卓千古后德贊元陵壽考之治化本乎周南
濟兩朝艱危之機義取諸魯史裘冕強臨於黼座貞
熹聖妃之所已行薦惟勇撤於鸞司宣仁太后之猶
未有是以受天之祐允矣配地無疆維星紀建旃蒙
之年即沙麓回甲子之慶六十策周而又始瑞婺增
輝三百朞貞則復元靈春駐景孝思永錫爾類不啻
頌禱之彌長大德必得其名然後情文之克備隔歲
講禮若稽萬壽殿遺規指春為期擬追丁卯年故事

不幸雲駟之催馭未及彤管之播徽黃裳闕光彼蒼
胡忍玉牒蘊美無地奉揚然崇踊既有所勉循而盛
典不可以終闕摸畫闡象德之義詠思齊而難護物
采舉如事之儀瞻長樂而何及於乎隆功之無競北
斗高而南山崇邈然仁化之所過陽春煦而時雨降
尚爾允俞之音如昨蓋與追上之禮不同謹奉冊寶
加上尊踊曰隆仁伏惟徽稱維新冲鑑在上二字琬
琰垂鴻烈於無窮百世圭璋降駿命於不已

戶曹判書趙鎮

製寬

孝懿王后上王大妃尊踊玉冊文

純宗壬戌

孝莫大於尊親亦惟順志禮寔貴於率薦必先正名
儀文無虧物采增煇恭惟王妃殿下稟姿幽靜柔度
莊嚴沙麓祥重襲餘慶於明聖黃裳吉協贊陰功於
寧王險阻艱難之備嘗恭勤節儉之允著小心翼翼
媚太母而思齊和氣融融本二南而敷化彤管之頌
方溢烏弓之慟遽經罹巨創而起居尚康實賴神相
閱藐躬而保佑采芻芻報慈恩逮邦典將議貴隆而
懿衷屢示謙抑曰予有受至誠發哀痛之教是謂大
同輿情見對揚之美爰寢宋天聖肇禮祗舉漢長秋
舊稱雖今日闡揄之忱悵然如失于昔年精微之義

於乎不光盛德冠千古后妃太上作萬姓父母謹奉
冊寶尊為王大妃伏惟誕膺景籙俯受彝章昌熾壽
臧垂鴻休於宇宙高厚悠久奉燕謨於晨昏

大護軍
金祖淳

純宗大王追上尊號玉冊文

憲宗戊申

謨顯詒孫拊朱紘而增慕禮重尊祖薦瑤牒而追徽
情文允諧入神霄愜恭惟皇祖考純宗淵德顯道景
仁純禧文安武靖憲敬成孝大王廣大高明之業中
正純粹之姿容有德而象有儀不聞亦式不諫亦入
言為則而行為法所過者化所存者神凝端冕而澄

源治成垂拱謹閑和而繼志戒存更張居宴齊莊聲
色玩好之不邇施物慈惠水旱饑饉之恒勞藹然仁
心聖而不自居聖於乎純德文之所以為文三紀之
駿烈采彰萬年之鴻基永鞏洙泗上溯常親簡編雲
漢昭回動合謨訓紆災溫旨頻蠲山海之常供戡亂
神威仍恢淵藪之洪度闢異衛正隆宋之治教休明
回瀉反淳西京之風流篤厚譬若太虛點雲之過雖
巍蕩之難名有如陽春時雨之降自品彙之各遂是
以一德之克享猗歟景祿之無疆琴鍾播詩閨壺基
二南之化星海騰頌本支啓百世之祥至恩隆高顧

小子曷以為報遺澤浹洽嗟今人終不可護茲值長樂稱壽之辰先舉清廟追述之典禮稽詢議藝章式遵於列朝誠切顯揚絳儀并進於彌室體上聖而立極欽承休光凝寶命而裕昆錫保餘慶謹奉冊寶追上尊誦曰體聖凝命欽光錫慶伏惟微忱俯鑑於闈美丕號誕膺於加隆琬琰增輝配景運於悠久璿潢衍祉綿寶錄於靈長

判府事鄭元容製

憲宗辛丑

大王大妃殿加上尊誦玉冊文
闡三讓於謙撝瑤籌彌邵釋萬幾於頤養寶冊載颺先后攸行今天其命恭惟明敬文仁大王大妃殿下

周雅思齊之美漢儀長樂之尊宜君子之家配鴻休於皇祖為聖人之母篤駿惠於冲孫迨南面之仰成倚東朝之同聽惟群生困瘁飢寒之際宵旰七年而寡昧起居飲食之間憂勞一念麟經肅討錫孝思於尊親禹昺昭奸真藝倫於闈異居然志學之齡已屆時則撤簾之旨迺宣自敬天爰暨親賢慈戒尚勤於施四粵初載已期今日母儀靡極於養千譬諸時雨洽而點雲過欽神功於巍蕩有若泰岑崇而上緯邈凝至道於穆清矧坤元四紀之光臨又天保九如之誕受將如何而報答德海恩山庶因此而形容範奎

文苑補後 續編卷一
三十一
鏤玉微懇幸回於冲挹隆稱克舉於揄揚臣謹奉冊
寶加上尊踰曰光聖堯曰彼光此徽音於二典箕言
作聖終遐福於九疇伏惟高拱椒闈丕迺萱景晨昏
定省永垂覆育之仁民國訏謨益仰提撕之訓

右議
政趙

寅永
製

大王大妃殿加上尊踰玉冊文

憲宗戊申

德無能名璇掖膺難老之祝事孰為大瑤鑄備顯親
之儀載揚芳猷祇伸菲悃恭惟明敬文仁光聖大王
大妃殿下徽音溫塞柔教穆宣黃裳贊元珩璫佩服
於莘摯彤管播烈簪珥媿侔於勛華肆眚末叨承洪

基伊保佑奉有慈渥閔予多難丕子之責是存惠我
無疆先君之思以勗七載敷薦帷之化率由舊不愆
不忘八表歸衣練之教式至今已安已治猗盛德必
得其壽乃景鑠申命用休寸草報三春之暉祈寶美
之悠久瑞蕙回六旬之景忤玉度之彌康敷錫之純
嘏潛孚對揚之深誠則篤受王母介福寰區騰川阜
之謠詒孫子燕謨宗紡真盤泰之業是由追兩聖而
擴彝典遂乃合四慶而闡懿光思欲一二字形容情
曷既於盡日惟願九五福嚮用喜益切於知年簡穀
朝而加崇瞻萱旭而欣戴謹奉冊寶加上尊踰曰隆

禧際邗隆之盛會愈久愈長迺洪禧之昌辰俾臧俾
熾伏惟勉回謙挹誕膺始禎海籌與碧嵩齊高璿錄
彌衍泥檢並青丘永固壺範有徵

左參贊金
興根製
當守辛亥

大王大妃殿加上尊號玉冊文

上下忠愛交相孚慈施斯普社稷靈長終必賴顯號
載稱曷既揄揚祇遵彛獻恭惟明敬文仁光聖隆禧
大王大妃殿下舍弘光大徽柔懿恭慈聖子而及神
孫紘統贊寧考之化以母儀而濟君道薦帷敷元祐
之治仁心仁聞則浹民膚肌德政德教則滙入耳目
稽古三英盛際匪無任齊而如微惟茲五紀陰功咸

曰堯明而舜哲猗歟臨危之大策莫我幾墜之洪基
是誠何時莫慰止慈之痛式至今日光啓重恢之休
宣吉兆於橫庚遂整綴旒之勢軫洪謨於翼子復抗
裘冕之尊念藐躬未堪多難而取命是有丕責遇物
之誨一日萬幾欲報之恩高天厚地慨廓之思靡洎
前王不忘崇奉之禮寔循我家自有迓續之會孔固
摸繪之議僉同聲臭難尋縱非一二字可像信順所
助永期千萬世有辭集群心而為心悅豫斬嚮錫汝
極而保極壽考康寧攀情文之允宜慶物采之斯備
臣不勝大願謹奉冊寶加上尊號曰正烈自朝廷而

始達欲正先修，崇宗祧而克昌。維烈無競，伏願俯諒。
菲悃弘納，茂禧敬慎。齊莊戴珩璜之貽訓，悠久溥博。
忭琬琰之增輝。大提學趙斗淳製

大王大妃殿加上尊號玉冊文 當壬子

鸞司撤而機務靜，萱旭彌高。鴻禧熙而景鑠，申穀朝。
爰屆曷云崇，貴幸回搗謙恭。惟明敬文仁光聖隆禧。
正烈大王大妃殿下齊莊懿恭明仁欽哲基一家而。
正國贊寧考祇敬之謨，歷七載之為邦濟神。孫艱虞。
之會雨露以流形，霜雪以遂性。舍弘光大之所，絲原。
啓佑我後人，煦妪我群生。憂勤勞恤之無不至，猗歟。

太上父母允矣，女中勳華。何國步之倉皇，又坤化之。
旋斡決大慮而定大策，幹獵載馳。懷多方而莫多難，
裘冕復抗嶽傾河。涕未有甚於斯時，地平天成。式克
休于今日，顧予寡昧之質。獲承訓諭之勤，自夫治亂
得失之方。輒煩遇物之誨，以至起居飲食之節。動紆
止慈之恩，遂命渭洽之迎。與共溫清之奉，第小子積
愆之靡格。而同殿臨聽之遽，收高拱穆清。歛神功於
疇，若丕圉熙。皞陶厚俗於孚，如念一日萬幾之繁。若
為負荷，靳千秋三朝之樂。仰賴提撕，永惟懿稱。之加
隆，即亦我家之賊。憲摹繪揚厲，縱難既於形容。蹈舞

詠歌所嘗塗乎耳目體至意而物采從簡稽彛章而
情文叶宜謹奉冊寶加上尊誦曰宣徽揆盛宋宣仁
之治在今益烈述成周徽柔之頌于古有光伏惟必
得其名封建厥福萬億斯悠久博厚敷茲嘉休九五
曰壽考康寧施以繁祉

知中樞趙斗淳製

翼宗大王追上尊誦玉冊文

憲宗戊申

孝莫大於嚴父先王制追報之儀德難名於則天太
室薦丕隆之號贊徽猷而揄揚曷既攀顯冊而怵惕
彌增恭惟皇考翼宗敦文顯武仁懿孝明大王挺聰
明上智之姿繼熙洽中和之治粵周文之朝王季令

聞夙彰逮虞舜之攝帝堯玄德普運相傳心法四勿
九經其代憂勤萬幾一日玉笋瑤牒頌兩殿之純祺
一堂三君慶千載之嘉會水旱饑饉之溥濟群黎徧
為菁莪棫樸之作成多士生此故四年滲漉入人者
深伊八域謳歌沒世不忘嗟予小子未堪多難于前
寧王欲報罔極陟廟享而致隆乎圭瓚奉灋和而有
儼其衣冠繫年分編雖三鑑之撰次稱天為誅詎壹
惠之形容肆鴻誦追述祖功亦徽章載稱慈壽立愛
親始允矣丕烈之齊崇我家禮宜猗其誦文之式闡
體乾元而資物大化時行建範極而敷民明命迺定

謹奉冊寶追上尊號曰體元贊化錫極定命伏惟默
垂英顧誕膺嘉休厯化靈長昭景鑠於不朽燕謨承

繼綿寶籙於無疆

頌議政權
敦仁製

王大妃殿加上尊號玉冊文

憲宗戊申

萬年伊始慈齡開大衍之籌二字加隆寶牒慕厚坤
之象載申景鑠祗率丕彛恭惟孝裕王大妃殿下沙
麓竒徵滄山萃閎媚婉容於太母孝敬無違配令德
於寧王柔嘉維則黃裳叶吉六宮覃摺木之恩朱芾
儲祥百世基絲瓜之業顧念寡躬之孤露唯依閔履
之慈天荷保佑而提撕式休今日願康寧而壽考欲

報春暉洪庥誕啓於千寶美光躋於望五天心克
享祥和為永命之符靈貺孔昭靜順乃近年之兆况
長樂六旬彌邵而我家四慶並臻勳華之盛烈追揚
儂聲容而何及任姒之徽音齊頌倚福祿之既同綵
禮相因嘉會幸逢於曠世閔休思闡至情自切於尊
親父母其順矣乎雖豐呈之姑緩祖宗所行之也願
晉號之宜先鏤玉鐫金取光愈著測蠡窺管盛德難
名謹奉冊寶加上尊號曰獻聖獻惟賢獻之稱掄舍
章之懿度聖是通明之謂狀育物之仁心伏惟茂對
鴻禧穆凝駿惠珩璜垂範翊寶祚於靈長琬琰增輝

播芳猷於悠久

工曹判書朴永元製

王大妃殿加上尊號玉冊文 當守辛亥

監于列朝彝章緝儀誕舉推我先君孝思顯踊加尊
徽懿彌光情文允協恭惟孝裕獻聖王大妃殿下德
邁馬鄧慶毓塗莘粵翼廟代聽萬幾柔道贊四載之
治逮憲宗光臨九五孝養膺千乘之隆膠葛騰謠二
南永基於敦化締綌昭儉六宮咸甄於芳猷方燕翼
之裕昆遽龍髯之攀馭業承艱大思述傳心之謨恤
宅亮陰莫嚴繼體之義梧雲入望慨聲澤之寢遐星
霜易嬗慟禮制之奄闕屬茲宗廟序躋饗允宜聖人

毋揄揚青簡彤毫非無史不勝紀奎泥玉檢詎緩冊
以闡徽斯臣僚詢議攸同我邦家制度自有謹奉冊
寶加上尊號曰宣敬京室思媚猗歟宣先坤元無疆
至哉敬直伏惟勉回謙抑誕膺貴儀琬琰播譽敢繪
畫其萬一岡陵獻頌啓第籙於億千 上護軍徐箕淳製

大妃殿上尊號玉冊文 當守辛亥

玄統昭德頌珩珮之芳猷彤管闡徽撫瑤鐫之懿踊
詎乏尚象庸蹈丕彝恭惟大妃殿下淵塞惠心禮教
撫翼擎悅服忠蓋之訓仁愛勤儉本於生知盥饋事
矩度之容懿柔澍恭舊有顯間饗宗廟而蘋藻薦事

上承兩聖母詒謨化宮壺而樛葛擣譽遠溯古哲妃
匹媿猗歟基命密而風化正六祈滋孚至我坤道順
而品物亨八維胥戴逮寡昧丕續洪緒伊崇奉式稽
舊章我家之禮亦宜宗統為重先君之思以勗母道
斯尊攀弓烏而於乎不忘瞻綸組而榮然在疚制不
敢過慨祥禫之遽成禮以節哀喜神祇之默佑方綯
禮茲率厥典惟大德必得其名揚盛休進隆稱國有
定制翎靈圖敷柔化史不勝書椒塗播倪天之光曷
為表章之能盡茲檢效晝日之悃寔出愛戴之彌深
煨二字而恭陳繁儀總百祿而潛周景鑠高朗迓有

融之慶其道貞明垂法為無窮之規惟聖時憲謹奉
冊寶上尊誦曰明憲伏惟金書增耀玉度愈康幽閒
貞靜之功覃寰海而普被壽考福祿之盛配厚地而

不騫

左議政金
興根製

大王大妃殿封王妃玉冊文

純宗壬戌

周梁之吉日已卜六禮咸宜漢殿之寶冊初宣百祿
鼎至載是琬琰諧我琴鍾蓋聞天地交泰而萬品亨
日月儼明而四序順王化必資內助家人為治平之
基邦典最重大婚闈睢居風雅之首咨爾金氏淑質
坤厚懿範天成弈世忠貞篤生塗莘之德大家詩禮

早襲蘋蘩之儀雖彤管之含章令聞夙著媿黃裳之
元吉景命維新猗歟寧考之簡心悅若溫音之在耳
珩珮合度想昔日喜動天顏龜筮定祥幸小子邁追
先志太母之明命祇奉中壺之綈禮誕陳承聖祖積
慶之庥佳氣集龍潛之邸用戴經備物之儀是月告
蠶績之功茲遣使臣持節備禮冊命為王妃朱鴈玄
端賁儀文於迎相玉簡金篆晉位踰於配尊彝章式
遵象服是稱於戲孝敬即我家法勤儉如古后妃齊
風第一篇炯壺戒於簪珥女則三十卷廣陰教於絃
綖愉愉婉容奉殿宮萬年之樂振振嘉頌衍本支百

世之休克贊宸極之治永綿宗祧之慶

禮曹判書
李晚秀製

孝顯王后封王妃玉冊文

憲宗丁酉

乾道必資坤象至哉光大含弘王化寔本閔睢求之
寤寐思服蓋聞后辟之致治亶由夫婦之造端將與
親耕蠶而修蘋蘩仰承宗祀是以納贄鴈而合牢饗
尤重大婚稽舊典而誕賁新儀自前世而必觀先懿
咨爾金氏華閭毓慶沙麓徵祥乃公乃卿之家忠節
義理不惑聖人之俟太任太姒之德言語動止無煩
師氏之箴夙著柔嘉之譽幼絕芬華之習殷制甫畢
曷任繼序之思慈旨仰遵亟舉備物之禮象服是稱

龜筮皆從茲遣使臣冊命為王妃元吉黃裳文在中
而通理有煌玉冊位正內而揚徽咸仰儂日而並明
益驗倪天而作合於戲導宮闈莫若孝敬守富貴專
在儉勤執笄棗而怡顏東朝之訓誨恭奉詠摶葛與
卷耳南國之教化遠覃武曰亂臣而婦人有焉孔稱
宜家而父母順矣鷄鳴進戒齊寢有三告之言麟趾
衍休周室佇百斯之慶念予宗祧之重罔懈寅畏之
心素知家法之嚴何待申勉之語奉朝賀南
公轍製

大妃殿封王妃玉冊文

憲宗甲辰

夫婦之於庶物蓋取造端后妃之於王家寂貴正始

所以兩儀成而易道備協四德於資生二南基而詩
教興迓百祿於作合斯造化無獨運之理而治道有
內佐之功况國步之尚艱際寶齡之方富名門華胄
政須倪天之譽中壺黃裳寧緩立地之道爰稽藝典
廣詢輿言咨爾洪氏迺三選既定厥祥猗百行必源
於孝溫恭謙慎不煩姆教齊莊惠柔自合女則炳國
是而嚴義理之分嘉乃祖曰篤之忠仗王室而共休
戚之誠宜古家積慶之地起曠感於太歲舊甲事不
偶焉舉緝儀於朝陽本宮卜云吉矣是謂天申休命
咸曰君子好逑茲遣使臣持節備禮冊命為王妃於

戲惟率儉可以御家邦惟克敬可以奉宗廟環珮存
夙夜之戒鷄鳴進箴琴鐘得聲氣之和麟趾儲慶怡
我兩殿思嗣任如之徽音暨予一人共享本支之遐
福藹宮闈之歡頌王化攸基爛日月之齊光儼極斯
重用贊弘績毋替令猷水原留守
李輝正製
中宮殿封王妃玉冊文當宁辛亥
闕睢基王道周化所以御家邦坤象協乾元羲繇所
以正外內肆賢佐之媿德即人倫之造端式稽彛章
載宣顯冊咨爾金氏忠良華胄詩禮名門倪姝之令
聞夙彰端莊惠慎聖母之徽音思續柔嘉懿恭寤寐

好逑天作合於初載揀掄淑德位宜定於長秋茲膺
儼極之尊遂舉造舟之禮珩珮配九章之服陰功有
資蘋蘩主亞薦之儀邦典克備龜筮云吉詢議叶於
僉從翟綸斯煌物采昭於崇飾百福之原攸始二曜
之明齊輝茲遣使臣冊命為王妃於戲惟勤儉以臨
壹闡惟孝敬以奉訓則雞鳴佩警懋內助於萬幾螽
羽綿禧裕後昆於千億尚芳猷之咸頌誕景祿之永
綏知中樞徐
箕淳製
貞純王后上謚踰玉冊文純宗乙丑
皇穹不吊永闕慈徽靈辰載消誕颺洪彌祗伸悲慕

曷既闡揚恭惟睿順聖哲莊僖惠徽翼烈明宣綏敬
光獻隆仁大行大王大妃女中勛華海東任如膠木
嘉頌配聖祖五紀之治磐石洪基翊寧考再造之業
嗟小子遭家多難惟太母惠我無疆眷宗祊安危之
機一念保佑賴厚坤轉幹之力四載仰成先王之志
事式遵大義揭而邪翳廓薄海之愛戴普切仁恩浹
而化理清猗歟垂簾而撤簾允矣基命而定命始宣
仁之抗冕暫御萬機之煩逮明德之含飴益享千乘
之養為而不有若虛雲之已過仰之彌高願慈天之
長覆豈意瑞甲之重屆忽驚仙馭之上賓北斗南山

纒舉三呼之禮丹旌素輅奄及五月之期合紉喬陵
愴遺意之允叶追薦寶冊悅愉顏之復承恭惟必誠
必信之忱爰稽大行大名之義測蠡窺管雖功德史
不勝書鏤玉摹金蓋崇報國有常典長秋至樂痛莫
攀於三朝京室徽音尚有徵於壹惠情文無憾物采
維嘉謹奉冊寶上尊踰曰昭肅靖憲上尊謚曰貞純
義問宣昭秋肅春溫之並濟邦國嘉靖文憲武章之
咸宜宏慮遠猷就貞固之大道盛德至善躋純粹之
極功伏惟俯膺殊稱篤垂景貺流懿範於百世琬琰
增輝衍寶錄於萬年琮璜毓慶

廣州留守
李晚秀製

正宗大王上謚誦玉冊文 純宗庚申

皇穹不吊降割我家大德得名式遵彝典祇增摧咽
 敢云揄揚恭惟大行大王內聖外王天經地緯間一
 知十聰明睿智之姿達五行三溫良恭儉以得大任
 降是自冲歲而備嘗險難重華協于受文祖而攝理
 機務頌綸諭宗統之正邁漢皇詔南越之辭編書揭
 義理之明符魯聖止西狩之筆右賢左戚審用舍黜
 陟之權扶陽抑陰嚴邪正謝慝之辨提督受支孫之
 紀遺民服龍灣之墀好音載懷忠獻躋英考之庭大
 老扁驪江之祠國是永定猗歟治法之盛卓為哲辟

之冠矯俗躡迷教多術於雨露霜雪保和歸極化一
 世於杯酒戈鋌致力在猷畝之艱夏禹氏之躬稼天
 下康功絕盤遊之樂周文王之不遑日中縹帙芸緗
 摘院應奎辟之象龍韜虎畧壯營蔚風雲之奇視民
 如傷審獄情則哀敬以折交隣有道修聘好則忠信
 為先躬薦瓚之精裡誠著昭格拒揚冊之群籲志先
 撫謙御不采之室服澣濯之衣克儉吾無間已峙常
 供之米寢修理之役精義自有寓焉惟茲政令間措
 施罔非典學中推去居敬踐實由小學大學之門集
 義肅仁述孟氏孔氏之訓公私義利之界劈頭腦於

差毫謬千戰兢臨履之工盡精力於人一已百萬善
俱足炯乎本源之澄清一理相通儼然上帝之對越
講誦則忘寢與食群經之隻字不遺治教則以君兼
師千聖之大統斯接歷代史傳之記載監戒常存百
家著作之叢長包括都盡應乎事物沛若江河發為
文章倬彼雲漢鄉飲之薦禮既復喜淳俗之挽回考
亭之正路爭趨藹吉士之興作若夫人倫之盡性原
乎聖孝之出天十載殫侍疾之誠曾不懈於一日終
身抱含恤之痛蓋無樂乎千乘金滕啓頌兩聖之慈
孝克闡珠丘遷卜萬年之隆奉罔虧覲月之禮常行

肅肅闕宮之貌愛日之心采篤融融長樂之歡稱洛
南之咒觥重有待於後甲壯新豐之雉堞自不煩於
度支二南正風化之原親親乃修身之效八域躋春
臺之上老老推錫類之仁休祥屢驗於豐登治臻金
膏玉燭康彊克配於乾健頌騰北斗南山方當景貺
之潛周夫何微疴之示德圭幣之冥應莫賴彼蒼難
諶玉几之末音遽揚小子何怙符衍策之虛一詎意
聖壽之止斯靳夢齡之與三忍說大業之未率踐位
行禮之舉曷堪摧腸遇物垂誨之音宛猶在耳幸茲
山陵之新兆迺在園寢之隔岡孟春之羽衛為停意

者天心之默啓兩麓之象設孔邇庶幾神道之相依
丹宸永虛盡儀形之寢邇素殿將戒慨光陰之莫留
肆舉崇終之緝儀爰稽在宥之盛績東西南北之無
思不服神功既致於中和禮樂刑政之咸秩有文至
德莫尚乎今古摸天畫日終難節一惠之稱檢玉鏤
金允為觀七廟之美寔遵公議敢有溢辭謹奉玉冊
上尊謚曰文成武烈聖仁莊孝廟號曰正宗仰冀聖
靈俯賜昭鑑播芳寶籙揭鴻誦而光前毓慶瑤圖迓

駿命而裕後

兵曹判書
金祖淳製

孝懿王后上謚誦玉冊文

純宗辛巳

攀輻擯而銜痛奄迫復土之期勒琬琰而崇終肆舉
節惠之典祇益摧咽敢曰揄揚恭惟大行王大妃柔
光叶乎黃裳淑德昭乎彤管積餘慶於沙麓自賢相
功在斯民定厥祥於渭梁荷聖祖喜有佳婦重闡捧
贄懿珩璫之中規五世嗣徽爛雲漢之有倬孝思寔
彰於幼眇令聞自達於邇遐粵壬午之哀遑不離萱
草之背逮已庚之閱歷猶覃樛木之恩語及既遠之
哀而玉涕常瀉躬處至艱之會而芳烈愈光斯誠天
地鬼神之所鑑臨奚但琴瑟鐘鼓之騰歌頌嗟小子
慟纏孤露惟慈德閔覆如天擁佑邁宋宣仁未嘗干

政撫育若漢明德繼以舍飴禴翟彌尊閔慈旨於踰
闕濯龍自警絕私恩於衍波况茲京室思媚之誠尤
在寶齡遲暮之後風雨寒暑之靡懈三朝必有婉容
左右起居之服勤六宮為之感泣誠存追遠悽愴奉
璋之宵勗以思先謙讓泥金之牒雖平日聖不自聖
伊女史書豈勝書刑當莫大之慶年深切無疆之選
祝時綈儀之纒舉歡頌方新遠真遊之上昇攀踰矣
及蒼龍絙路慟湘巡之莫回青烏毓靈叶灤封之新
紉載舉易名之禮少伸終慕之忱陰教躋作聖之基
允符箕範之叙五事燕居懋存警之義亦惟孔翼之

贊重坤謹奉冊寶上尊踰口睿敬慈粹上尊謚曰孝
懿仰冀聖靈俯察微悃芳徽不泯揭圖史於千秋寶

錄長絲衍本支於百世

金魯敬製官
吏曹判書

純宗大王上謚踰玉冊文

憲宗乙未

龍馭莫攀薄四海而經慟鴻踰載定揭百世而掄揚
曷既形容祇增踰慕恭惟淵德顯道景仁純禧大行
大王德參高厚運撫熙雍符先聖降彩之年天挺睿
智承寧考遇物之誨日就溫文履旃納造膝之規率
惟正言正事謳歌聳延頸之望藹然仁聞仁心萬機
遂摠於冲齡群生遍洽於洪化準海敷百行之本肅

圭瓚而流祺居辰端萬化之源穆旒宸而凝命溥惠
澤於窮鄙肖翹端颯之咸濡昭儉德於卑菲聲色玩
好之無累譬喬嶽不運而雲興雨施之各奏其功若
上載無聲而秋肅春溫之自適其序猗歟一德之符
應致茲三紀之承平疏禁網而息民收文景反樸之
效集化囿而貞度有唐虞垂衣之風鈇鉞飾不怒之
威掃鯨鯢於西土帑廩傾無私之蓄奠鷓鴣於南州
御厨蠲悅口之供人自得於山海通衢焚宣頭之案
民始知有室家洪纖不遺廓山藪之並納闕和恪守
戒琴瑟之更張乃至餘事之文章彌見中積之和順

在清讌游息之際常不離於篇翰雖咳唾散落之餘
動皆合於謨訓玄緯眇邈固巍蕩之難名倬漢昭回
庶文明之咸覩易簡之功既著和平之福架隆天清
地寧允叶得一之運日升川至方騰於萬之祈何意
調燭之昌辰遽揚凭几之末命周壇之圭璧已屏百
神震驚荆湖之弓劍空遺九土兩涘盛德至善於乎
樂利之不忘厚澤深仁庶幾靈長之終賴眇予小子
罹此大難宗社之丕托在身奉同瑁而怵惕穹壤之
至恫貫肺矐羹墻而皇瞿晨昏永違痛承歡之無所
旬朔頻遞慨即遠之有期日表龍章嗟莫容於摸繪

景鑠鴻藻尚有地於鋪揚載舉象行之徽稱式遵崇
終之彛典中正精粹合乾道之無疆悠久高明配文
德於不已安百姓而嘉靖乃武乃文憲萬邦而化成
克敬克孝質鬼神而建天地敢有溢辭勒琬琰而被
絃歌式昭永世謹遣臣某官某奉冊寶上尊謚曰文
安武靖憲敬成孝大王廟號曰純宗仰冀冲鑑俯格
徽誠奎編沅芬匹三五而熙號玉牒增耀衍千億而
裕謨

右議政洪
奭周製

翼宗大王追崇上謚號玉冊文

憲宗乙未

續先統而增愴禮重立孫奉顯冊而追徽孝大嚴父

昭穆攸序神人允諧恭惟孝明世子仁孝溫良之姿
聰明英達之度齋睿誠於文寢武飯展也百行之源
懋聖功於舜哲堯欽卓矣三古之志處涓燕而玩理
不越乎洙泗洛閩之書象雲漢而成章皆合於風雅
典謨之首春宮毓德垂二十年甲觀篤休啓億萬世
逮夫幾務之代揔蓋驗功用之發揮猗丁酉遵志之
批乙未歸喜之儀適追列聖朝成憲若九經治國之
要四勿修身之本誕承前寧人弘猷玉牒頌功隆兩
殿之鴻誦圭鬯攝事肅七廟之駿奔屹王基之豐碑
漆沮源遠峙皇壇之寶錄江漢流長揭義理則嚴霜

雪之威徠諫諍則恢山藝之量恩綸傾帑度之蓄止
滂南饑剝贖列草萊之材里舉鄉選沛然江河若决
而無一事或敢自專至于日昃不遑而暨百度罔有
靡舉時則漢山東父老思見德化之成譬如夏天下
謳歌咸曰吾君之子噫蒼生之寡祿遽黃離之違灾
惟皇祖繼體之哀睠宗社而何及伊小子失怙之慟
徹昊壤而莫攀肆於曆服丕承之辰合有位踰崇報
之典東朝之徽教浚發即我真廟躋廟之規中庸之
聖訓昭垂亦古太王追王之禮皇天克昌厥後彌享
莫尊大德必得其名神理無憾節壹為謚俟百有辭

乃武乃文極其大而敦化曰仁曰懿咸以正而顯謨
矧二字之揚名寔先朝之賜獎琬琰闡摸天之美縱
云情禮之粗伸羹牆寓沒世之思其奈聲容之寢邈
謹奉冊寶上尊謚曰敷文顯武仁懿孝明大王廟號
曰翼宗仰冀冲鑑俯賜明歆聖繼神承流景鑠而不
已祖功宗德配耿光而於昭
吏曹判書
趙寅永製
憲宗大王上謚號五冊文
當宁己酉
上帝降喪攀劔舄而銜哀大德得名勒琬琰而揚謚
若稽十五年政化曷云一二分形容恭惟大行大王
挺不世出之姿膺大有為之運自儲位并冊之日誕

承祖依孫孫依祖之規逮冲年臨御以來克盡后非
民民非后之義舜聰達四睿知縱天賦之哀周思兼
三聖孝篤人倫之至王母之福壽母之喜玉牒闡徽
昭考之烈穆考之謨寶鑑颺美神殿增丙室之制寓
三朝靡極之誠灤寢占萬年之祥展終天莫逮之慟
基命則夙夜宥密典學則日月就將討論不離於篇
翰處消燕而玩理制作動合於謨訓回雲漢而發輝
蠲齋令而克祀克禋肅躬薦於圭瓚由舊章而不愆
不忘祇心法於鑑柯所以聖功神化之大成罔非天
德王道之極致溲綸斥洋島之教闢之廓如剡牘登

草野之材待而興者沛至澤而蠲恤西民忘極備之
災謹天戒而警修內厨減常供之膳萬物各得其所
百姓日用不知仁愛尤洽於好生藹然雲行而雨施
陽剴斯赫於威斷燁如雷厲而風飛蕩蕩無能名焉
昌辰聿屆於鼎盛巍巍有成功也休祥屢驗於豐登
肆至治克躋於春臺佇遐祝永添於海屋何我家之
不吊奄鞠凶之茲罹周壇之植壁已屏群黎無祿荆
湖之遺弓遽抱彼蒼難謀大業未半於中途矐宗社
而靡寄至慟普切於沒世徹昊壤而莫攀方小子經
奉諱之悲而太母降纘緒之旨付畀至重勉受列聖

朝洪基繼承莫嚴克遵嗣王臣古制盡儀形之永闕
獻代之真遊已遐慨旬朔之不留即遠之靈期載邇
蒼龍經路哀慕靡及於橋藏青烏效靈神理孔安於
魯紉迺以必誠必信之念爰稽大行大名之規文憲
武章叶經緯於天地明德哲命興仁孝於家邦竢百
世而有辭尚微節壹惠之典揭八字而崇報允為觀
七廟之休謹遣臣某官某奉玉冊上尊謚曰經文緯
武明仁哲孝廟號曰憲宗冀賜明歆俯格微悃鴻誦
載薦不顯乎之德之純駿命永垂庶佑以於千於萬

藝文提學
金學性製

孝顯王后謚誦玉冊文

憲宗癸卯

陰儀遽缺愴遺範於律禴懿誦載揚闡洪光於琬琰
情文俱協名行永孚惟大行王妃金氏東朝毓慶之
門奕世秉忠之裔瑞氣燭降生之室夙稟異姿仁心
兆幼眇之齡至覃徽物膺文祥而內位正順柔則而
萬品資薦璋璣而盛藻蘋共承我宗廟績紘緹而教
種種用仰于家邦憫我寡躬遭家多難冲年含恤奉
壽母而為依丕業投艱待好逮而相助三朝愉色常
勤視膳而問衣七載徽音無用陳圖而願史式九御
而恩先逮下敷外家而言不及私博厚承乾並偉功

文苑補遺

續編卷一

王冊文

二十六

於覆載貞明配日方第祿於升恒豈惟資盥饋之儀
而安室家之樂將以衍鞶褱之慶而享福履之綏嗟
玉度之乍愆奄璫聲之永闕想兩殿稱佳之旨將慰
何辭誦六宮贊美之詞難誌斯理追憶結禱之初歲
忍言纏綿之遠期簪珥歛輝縱悲思之無益琴鐘遺
詠奈今德之難忘彤毫播正始之風瑤牒舉崇終之
典孝是秉彝之本根性而達情顯為成德之符存中
則著外謹遣使臣奉冊寶贈尊謚曰孝顯冀紆昭鑑
誕受休稱從先妃陟降之靈珠岡同兆佑百世本支
之盛璿籙無疆嗚呼哀哉

領府事鄭
元容製

孝顯王后追上徽號五冊文

當宁辛亥

殷紉并侑愴翟禴之如臨如徽追揚賁鴻牒而彌顯
敢云崇報祇切永懷恭惟孝顯王后金氏京室于嬪
聖人之配善慶毓忠貞之闕克稟澍姿篤仁根冲幼
之齡不資姆訓自入宮之始而令聞令儀居儷極之
尊而能勤能儉深愛尚存於兩殿晨昏婉愉私恩不
到於外家夙夜儆戒方頌琴鐘之覃化遽驚璫瑀之
闕輝雖黃裳含章聲言不出於中壺而彤管紀美歌
詠尚傳於六宮忍言已夏之巨創奈此昊天之不吊
薦帷定策踐先位而祇承弓劍纏桐紹前休而思述

編織之常制甫閱俯仰曷追璋瓚之宗裡配躋陟降
亦豫七年懿行式揭幽光四字丕稱載循彝典敬為
端本靖嘉贊御邦之治惠以資生順厚體承健之象
謹奉冊寶追上徽誦曰敬惠靖順伏惟冀垂昭格尚
鑑精衷珠瓏同藏神理庶安於窮宙金泥申闡遺徽
永耀於千秋

領府事鄭元容製

文苑黼黻續編卷之一

文苑黼黻續編卷之二目錄

頌教文一 登極 王妃冊封 儲闈 誕生 儲闈
冊封 惠侯平復 諸慶 迎勅

純宗大王登極頌教文

憲宗大王登極頌教文

當宁登極頌教文

大王大妃殿冊封頌教文

孝顯王后冊封頌教文

大妃殿冊封頌教文

中宮殿冊封頌教文

純宗大王誕生元子定跡頌教文

翼宗大王誕生頌教文

憲宗大王誕生頌教文

翼宗大王入學頌教文

純宗大王冠禮冊世子頌教文

翼宗大王冠禮頌教文

翼宗大王嘉禮頌教文

翼宗大王冊世子頌教文

憲宗大王冊世孫頌教文

純宗大王水痘平復頌教文

純宗大王大王大妃殿疹候平復頌教文

純宗大王痘候平復頌教文

純宗大王患候平復頌教文

翼宗大王疹候平復頌教文

憲宗大王痘候平復頌教文

獻敬惠嬪患候平復頌教文

桓祖大王懿惠王后追躋永興本宮頌教文

貞純王后周甲獻敬惠嬪寶齡望八陳賀頌教文

孝懿王后六旬陳賀頌教文

孝懿王后周甲陳賀頌教文

文苑補註 卷之二

孝懿王后周甲誕辰陳賀頌教文

孝懿王后舟梁六十年陳賀頌教文

獻敬惠嬪八旬陳賀頌教文

獻敬惠嬪寶齡九陳賀頌教文

純宗大王聖壽四旬即位三十年陳賀頌教文

大王大妃殿五旬陳賀頌教文

大王大妃殿寶齡六陳賀頌教文

大王大妃殿寶齡六旬王大妃殿寶齡五陳賀頌

教文

大王大妃殿周甲稱慶陳賀頌教文

大王大妃殿母臨四十年陳賀頌教文

大王大妃殿母臨五十年陳賀頌教文

王大妃殿四旬陳賀頌教文

貞純王后垂簾頌教文

大王大妃殿垂簾頌教文

大王大妃殿撤簾加上尊踊頌教文

大王大妃殿撤簾頌教文

翼宗大王聽政頌教文

仁政殿重建頌教文

三朝寶鑑親上後陳賀頌教文

文苑補註 續編卷二 目錄

大王大妃殿冊封迎勅頌教文

翼宗大王冊世子迎勅頌教文

憲宗大王冊世孫迎勅頌教文

孝顯王后冊封迎勅頌教文

大妃殿冊封迎勅頌教文

乾隆八十稱慶迎勅頌教文

乾隆尊謚迎勅頌教文

嘉慶受禪後迎勅頌教文

清皇后冊立後迎勅頌教文

清太后加上尊號迎勂頌教文

道光皇太后尊謚迎勂頌教文

咸豐登極迎勂頌教文

清皇后尊謚迎勂頌教文

Blank page with vertical lines for writing.

文苑叢書續編卷之二

頒教文一

登極入學

王妃冊封冠禮

儲闈誕生儲闈嘉禮

儲闈

冊封

患候平復諸

慶

迎勅

純宗大王登極頒教文

正宗庚申

惟昊天降割我家奄罹巨創今冲人新服厥命勉循
輿情付托何堪叫叩莫逮洪惟國朝垂統倚歟勛華
此隆聖繼神承邁殷后六七之作祖功宗德綿周祚
億萬之基恭惟大行大王以天縱之聖姿膺首出之
熙運峻德克配於上帝對越一心至孝夙孚於先王
代聽庶政殿宮之忠養備至藹晨昏之承歡廟社之

文苑叢書

續編卷之二

頒教文

文苑補遺 卷之二
綸嘗必親致兩賜之順軌銀印每先於輦路奉寧考
傳授之謨金滕誕宣於賓筵闡兩朝慈孝之德道德
接孔朱之統直自性命之奧闡未發焉問學若江海
之涵從古帝王以來斯為盛矣錫箕疇而建皇極適
追五十年宏規揭麟經而靖人心昭垂千萬世大法
大哉光御二紀允矣高出百王謙德屢却於微跽無
樂千乘之位綸音動合於古典克挽三代之治崇儒
道而斥邪士趨克正頌鄉禮而躋俗農政為先尚方
進三澣之衣法夏后之菲服御厨減八路之貢體周
王之仁民功業巍乎難名蟲魚罔涵育之澤文章煥

焉可述草木被昭回之光至若華城遷園之儀尤著
聖人準海之孝環山之松栢自茂民不知遷每歲之
鑿輅如期人皆觀感予小子今春受七章之禮寸誠
期萬年之歡翼子謨貽方荷遇物之誨眇躬祚薄奄
遭終天之恫皇皇乎如求榮榮然在疚嗟群生之無
祿遽承玉几之憑由小子之不天莫賴圭幣之禱珠
衡永闕痛地坼而天崩婦孺何知紛雷踰而兩涘閔
予未堪多難嗟天胡寧忍斯矧大位之恭承奈至痛
之難抑當枕塊處苦之日胡聞此言然踐阼受寶之
儀自有我制仰念三宗之丕責敬遵長秋之德音迺

於庚申七月初四日即位於仁政門睽綴衣而怛焉
痛心負黼宸而泣然墮涕見墻之慕益切何安龍衮
之加身位守之禮雖遵忍對鵷班之稽首嗟乎艱大
之業曷其能堪藐茲幼冲之齡固知依濟庸敷十行
之播告爰推肆赦之彝章云云於戲救我寧人孰無
親賢樂利之思在予初服停期與物同仁之休大提學

良浩

憲宗大王登極頒教文

純宗甲午

維皇天降茲割奄罹鞠凶予小子罔敢知勉承基緒
祗率彝典益切摧踊於休國朝之重熙實荷景命之
篤佑聖神有作邁六七之相承祚業無疆基億萬之
永鞏昭茲嗣於來許式克至于今休恭惟大行大王
心法則惟一惟精謨烈焉丕承丕顯光昭純粹藹氣
象於舜日堯天恭儉溫仁尊宗統於泰山磐石政法
克遵於列聖不愆不忘志事適追於寧王善繼善述
準德業於天地若無能名炳義理於日星曰有所受
敬天以實履禮懋寅畏之誠視民如傷窮節推子惠
之政嗚呼逆理之至痛那忍貽謨之聖哀念宗國之
罔涯務從寬抑憫孺子之失怙益垂慈憐浸漬醲薰
治既歷於三紀康寧壽考祝恒切於萬年縱未盡問

寢之儀竊自效愛日之悃豈意不豫有疾竟致大漸
惟幾誠未格於納滕叫叩莫逮命忽承於憑几眇末
何依喪威荐降深憎新舊之愴慟宗社靡托忍見殿
宮之攀踊窮谷深山若喪考妣至善厚德普泆髓肌
方當枕塊之時詎安受寶之禮冲齡縱過於負宸敢
承遺大投艱之基國勢殆近於朝裘祗懷臨深履薄
之懼然輿情不可終遏况慈教尤當奉遵迺於甲午
十一月十八日即位于崇政門尊明敬中宮殿為大
王大妃登黼座而怵焉驚心睠綴衣而泣然掩泣類
嬰孩之失乳顛天莫從痛臣民之攀髯涉川無俟賢

其親樂其利縱切羹牆之永思寶曰位德曰生若為
堂構之勿墜追太保延入之禮忍當承主之盛儀仰
宣仁顧復之恩獲遂垂簾之微懇肆當中外之播告
庶與士民而同休廣惠覃仁自茲更始滌瑕藏垢咸
與維新云云於戲若生子而永年在今初服無忝祖
而基命圖我新功藝文提學
李止淵製
當宁登極頌教文憲宗己酉
上天胡忍於降割查罹鞠凶一日不可以無君勉承
慈旨率循彝典用亶播脩猗我列聖之繼承允矣三
代之隆洽膺駿命於受帝宗德祖功貽燕翼於裕昆

文謨武烈恭惟大行大王撫重熙運挺上聖姿準東
海放諸烝嘗禴祀之克愍譬北辰居所聰明睿智之
有臨纂寶鑑於三朝善繼善述進瑤牒於兩殿曰壽
曰康珠立遷萬年之基慰終天靡逮之慟璇幘增兩
室之制展晨昏仰瞻之誠顧政令施為之皆得其宜
雖匹庶艱難而無微不燭曰兩暘時若不啻三登泰
平之祥如天地難名克致萬民咸和之美蓋其聖功
神化之極克躋位育之隆所以溥海含生之倫思見
德業之盛豈料不豫有疾遽至大漸惟幾納冊金滕
莫效植璧之祝宣命玉几永抱遺弓之悲寶籌未半

於中身宗社臣民之靡所托群情如喪於厥考親賢
樂利之於不忘予王室懿親英宗遺緒嗟我家未堪
多難荷純廟罔極之恩肆冲入式至于今亦先朝不
世之德慈教誕敷於薦宸縱符穆陵之入承諱音遽
奉於海陬何安渭橋之拜謁當天崩地坼之際固至
慟之普纏撫遺大投艱之基懼眇躬之不克然念宗
國之丕責敬遵長樂之徽音迺於己酉六月初九日
即位于仁政門尊中宮殿為大妃殿睠綴衣而怛焉
驚心登黼座而潛然墮涕儼乎踐位行禮敢當龍象
之加身凜如履薄臨深忍對鸛班之稽首仰女堯之

覆燾尚賴慈天之穆臨哀群黎之攀踊曷慰率土之
無祿肆予一人有誥俾爾萬姓明聽體先王好生之
仁宜懋恢蕩之典推下民廣惠之意爰示涵容之方
云云於戲救我前寧人孰無圖功攸終之意罔不在
初服佇期與物同仁之休

藝文提學
金學性製

大王大妃殿冊封頒教文

純宗壬戌

則玄紘以加亦惟王化之原斯禮也大璋而聘顧今
殷諒闇即吉之日尤重漢長秋迎相之儀想眇躬踐
作之初忍言宗邦綴旒之勢伊寶命新服之際政急
中壺織統之章乾坤定而品物亨宜先室家之正位
宗祧承而禮儀備最係蘋藻之昭誠廷議叶文祥之
期蓋是神人之願望宮嬪誦窈窕之句咸願君子之
好述王妃金氏名門篤生徽範夙就先正繼而兩元
輔忠蓋毓餘慶於塞淵太任嗣而聖妣氏間貞集衆
美於儀度家庭服詩禮之訓可但彤管之令譽閨闈
昭珩璜之文允協黃裳之元吉猗歟寧考之簡在展

也太母之命言追履繼注意之音尚憶天顏之喜動
承簾帷定名之教何幸慈心之悅嘉澍質符被邠之
容遵豆簋簋之宜仗懿德著袂良之頌琴瑟鐘鼓之
可諧茲蠲吉辰載舉成禮已於本年十月十三日辛
亥授冊寶正位十六日甲寅大婚禮成清渭之舟梁
載造成瞻爾雍其車端闈之椒幄初開爭頌倪天之
妹六禮倣京室之制已基修齊治平之原兆民喜父
母之臨舉仰位育發舒之化奉殿宮萬年之樂永賴
內壺之寅承衍本支百世之休冀迓上穹之申貺斯
固朝野之胥悅那無遐邇之覃恩陽和布仁咸囿動

植雷雨作解盡滌垢瑕云云於戲正倫為長祥之基
闕睢麟趾之化可鑑厚德乃歛福之本風騷龜範之
訓之徵嘉與四方而同休庸示一國之洪慶

藝文提
學黃昇

孝顯王后冊封頌教文

憲宗丁酉

易六十四卦乾元坤元為之基詩三百五篇周南召
南為之首是故天德莫大於配體王道必先於正家
式遵弘規載揚明訓永惟媿匹之際實是教化之原
有萬物然後夫婦父子君臣之倫得其叙矣合二姓
以為天地宗廟社稷之主不亦重歟滿納觀型贊虞

廷垂衣之治洽陽作合衍姬家綿瓜之休蓋其百福
源而四德全所以六禮備而九御統肆當中月之制
已畢政須長秋之儀亟行列祖之所顧歆亶由并珣
之承事兩殿之所企待亦係珩璜之嗣音徵天眷於
瑞符中垣耀後句之位考邦典於嘉會大璋昭親迎
之文王妃金氏篤生名祖之門近屬太母之系承奕
世之鼎軸伊巫之忠蓋有由纘皇祖之舟梁塗莘之
福慶未艾矧茲懿範之早就允矣令聞之夙彰織紵
組紃十年聽婉婉之教鐘鼓琴瑟六宮誦窈窕之章
文定厥祥卜云其吉東朝則哲之聖簡在柔嘉先王

於昭之靈默有佑隲基厥初而本支百世稽于衆而
卿士庶民茲涓昌辰誕舉緝禮已於本年三月十八
日乙未授冊寶正位二十日丁酉大婚禮成玄統治
內黃裳在中聳群瞻於肅雖釐爾女士奉慈教於悅
豫宜其家人譬若兩儀之交須斯義也合牢而合鬯
自此萬姓之俯育其本則獻爾而獻種翟禴初臨猗
博厚之配地鳳綸遐暨庶惠澤之同春云云於戲和
氣融於宮闈歡聲溢於區宇至靜至柔之德麟趾儲
祥一家一國之仁龜疇錫福

大提學趙
寅永製

憲宗甲辰

坤載物德無疆萬品資始天立配命既固六禮告成
誕誥多方庸闡嘉典蓋間造端為君子之道正家迺
王化之原周二南之風教行實由洽陽之作合虞五
典之天秩叙亶自媯汭之觀型樂爾室家之宜禽贄
成二姓之好承我宗廟之重翟禴統九御之尊念寡
躬承艱大之基宜內治資輔佐之義簪珥獻傲佇令
聞於勤儉溫恭琴鍾友和思好速於幽閑貞靜肆天
道不可獨運而坤位豈容久虛珩璜怡愉之儀兩殿
之所企待璋芾藩衍之慶萬姓之所願印遵合牢合
簋之文猗歟先王禮自有稽從龜從筮之卜允矣卿

士謀爰同王妃洪氏系出忠蓋之門稟得端莊之賦
秉國是而明義理之分世德垂簡冊之光篤儒行而
傳清素之風女則合圖史之訓毓吉祥於沙麓積慶
有餘溢和氣於河洲嗣徽攸本特簡寔出於慈聖令
望允協於神人懿質著窈窕之章蘋蘩蘊藻之可薦
芳猷播婉婉之教榛栗棗栢之是供迺於本年十月
十八日辛亥授冊寶正位二十一日甲寅大婚禮成
清渭之舟梁載造八域懷孔邇之歡長秋之門鑰誕
開六宮騰思媚之頌黃裳叶吉媿陰功於覩天玉冊
揚徽昭壺化於儷日推孝子錫類之美基百世之本

支膺天申永命之休鞏萬年之第籙斯固朝野之胥
悅爰推遐邇之普覃動植咸蘇日月臨而容光必照
垢瑕盡滌雷雨解而霈澤旁流云云於戲雖舊邦維
新儲休祥於麟趾厥庶民用錫欽時福於龜疇

藝文
提學

趙東
龜製

中宮殿冊封頌教文

當辛亥

奉神靈統王者建極于中敦風化源家人正位乎內
所以基百福之本抑亦率九御之教載遵職規用播
脩誥若稽明辟之致理實賴賢妃之贊治媯納釐嬪
協舜德於濬哲京室續女翊文謨於緝熙顧予眇末

之姿叨嗣艱大之業以引以翼若為貽燕之圖于家
于邦宜資思齊之助宗宮瓊裸祗切繼序之思永綬
珥簪正須規警之語屬茲歸妹之嘉會祗奉太母之
睿掄乾道未能獨成以博厚而為配大倫不可少緩
故窈窕之苟求王妃金氏祥徵玄符慶衍華胄五四
世忠貞之報宜食德之滋豐二百年詩禮之傳驗服
習之有自幽閒淵靜之性當嗣徽音溫惠謙恭之儀
允合壺則歷選名門大族惟茲是諧廣詢卿士庶人
咸云其吉肆涓辰於鴈旭俾儷尊於翟褱迺於本年
九月二十五日丁丑授冊寶正位二十七日己卯大

文苑補遺

續編卷二

頌教文

婚禮成倣禮經而昭文紫纁增肅遵憲牒而備物彤
管耀輝由夫婦而造焉生民攸始察天地而至矣品
彙遂亨既崇長秋之彝章合布陽春之霈澤云云於
戲觀厥型而中外胥忭泰以交而上下同和百郡圻
瑕普霑滌蕩之惠八埏流峙共戴覆載之功膺再昌
期湊氣象於未艾懋一新政濟倪旒而其蘇大提學趙斗淳

純宗大王誕生元子定號頌教文 正宗庚戌

運屬一清方切彌月之顯望慶叶兩照聿荷自天之
申休式先正名用脩播告顧予寡德叨茲丕基承祖

宗艱大之投深念付托之重當春秋晚晚之際尚遲
本支之繁追周家瓜瓞之詩固知絲絲餘慶思羲易
七鬯之義常切耿耿此心幸賴皇穹默佑之休聿覩
冢嗣篤生之喜三宗之血脉載續上慰陟降之靈兩
宮之歡顏始開大副晝宵之望值庚戌之昌運適符
先聖以降之年聆癸甲之英音又在慈宮載夙之日
無留無害奚待日再問之期克類克明允協震一索
之兆爰遵漢明德故事仍舉周元子盛儀嘉一人之
元良國本自此定矣想八域之蹈舞民心有所繫焉
天挺岐嶷之姿洪基增磐石之固日播輝潤之頌寶

錄期海籌之長茲於告太室之餘申以數多方之誥
堂構之緒業有托實維無疆之休臣民之祈望克符
詎緩同慶之舉肆飾泰來之喜用推解澤之恩云云
於戲燕翼貽謨曷報仁天之眷命鳳綸覃惠長騰樂
土之歡聲

藝文提學
鄭民始製

翼宗大王誕生頌教文

純宗己巳

皇天眷顧宗國申命用休彌月誕降元良甲觀呈瑞
斯乃古今罕觀之慶詎緩中外播告之脩洪惟我家
光膺寶命祖功宗德奚但六七聖相承舜授堯傳永
期億萬年悠久蓋其固本而垂統亶由積德而累仁

顧予寡昧之姿叨茲艱大之業宗祧民人之寄在眇
爾之一身先統繼嗣之傳每怵焉而深念春秋鼎盛
思間為人父之稱國家孤危益望衍本支之慶幸天
心默祐宗祏伊坤闡篤生冢儲以時則庚戌流虹之
時吉慶非偶是月也肅考降彩之月前後相符上慰
陟降之靈三宗之血脉載續下副臣庶之願八方之
謳歌有歸追先朝顧復之慈積慶攸暨仰殿宮嘉悅
之色其樂如何濬哲長發之祥同殷人之歌烈祖岐
嶷生知之質若周任之誕文王禹景繼明洪基奠泰
磐之重震索叶吉寶錄占海籌之長跋暨喑聾莫不

文苑叢書
卷之二
十一
蹈舞山川草木亦皆知欣民情大可見乎國本自此
鞏矣星重輝海重潤匝域之祈嚮方深日之吉辰之
良自天之休祥丕著既告慶於太室又受賀於明庭
天地之化同流咸蘇品彙雷雨之澤普洽盡滌垢瑕
云云於戲萬禩無疆之基賴此祚胤之永錫三代有
道之治又在諭教之必端偕我太平與之更始自貽
哲命罔不在初大提學南
公轍製
憲宗大王誕生頌教文純宗丁亥
銅闡代聽喜邦基之增鞏甲觀呈瑞荷景錄之荐臻
惟茲元孫彌月之祥實賴列祖在天之眷慶溢宗祏

歡覃區壘予惟昔周家古公見文王之生有聖德亦
皇朝成祖得宣宗而稱好太孫斯蓋自古而罕聞允
為有國之大慶顧念寡昧之質叨承艱大之基即作
在幼冲之年凜予躬之藐藐繼序念統緒之重期後
昆之繩繩幸荷上天之篤庥早見前星之耀彩仁孝
聰明之暢美既顯冊之誕加大小機務之分勞爰代
攝之有命政喜翼子之垂裕又見文孫之誕生噶噶
厥聲乃室家君王之慶疑疑其質沕天日龍鳳之章
未四紀而抱孫豈勝予喜永百世而昌後式自今休
猗左海增重潤之光若泰山有四維之勢天其用申

厥命占瓜瓞之永繇予則恭已何為慶蘭蓀之斯茁
嘉乃文子早膺俾熾而俾昌有爾湯孫何憂丕承而
丕顯既虔告於太廟復頌慶於多方浚誥誕宣允叶
群情之願祝解澤普洽爰見庶品之昭蘇云云於戲
若生子罔不在初寧忽輔養之有道至于孫勿替以

引實幸祚業之無疆 藝文提學 全履載製

翼宗大王入學頌教文 純宗丁丑

禹邸主覽八域切近頤之誠泮宮橫經吉日行讓齒
之禮肆颺浚汗之誥庸答臣庶之心念我列祖之攸
行尤重儲嗣之入學是乃三善皆得者君臣父子長

幼之倫始自八歲而教之禮樂射御書數之藝顧惟
貳極之德早播重輪之謠英睿挺天縱之姿學語先
知堯舜溫文有日就之美講讀不煩賓師矧茲器度
之夙成益喜衣尺之漸長孝友仁厚自有不言而形
行動儀容儼若成德之表頌廟宮隨行展謁伊簪紳
聳觀折旋修牲幣而拜先師已有學孔之願屈鶴駕
而就博士又見服儒之儀雖燕居常勉於義方而晉
業必待於師受修齊治平之本在茲小學一書緝熙
光明之工肇自今日盛舉規矩合進退之際討論盡
性命之原啓佑无疆益頌周家之錫胤觀聽皆喜尚

傳漢雍之說經可見衆情之歡欣矣但予心之嘉悅
天地之化均被施惠布恩雷雨之澤旁流滌瑕蕩垢
云云於戲追三代之長久早諭為先偕萬姓而太平
諸福並湊大提學南
公鞅製

純宗大王冠禮冊世子頒教文 正宗庚申

重為膺一人之貞顯冊肇錫元服備四禮之始絳儀
並行肆將十行之播脩誕示八方之同慶念儲嗣為
國之本而聖主所重者冠宗廟奉七鬯之尊義經有
訓黻冕受醴醮之禮戴記可徵顧寡躬丕承洪基幸
元良篤生異質當尼聖降歲之歲日月同符於慈宮

錫姬家教胄之名神人早托於元子岐嶷天挺聰明
孝友之根心溫文日章容貌辭氣之合度習春詩而
冬禮教諭遵保傅之編講魯論與鄒書問難動賓僚
之色丕責當付於主器冲齡已屆於勝冠殿宮供繞
膝之歡予無憂矣臣民切延頸之望寧可緩歟始以
蒙養之功姑鄭重於丕彌茲當責服之日宜晉居於
少陽太歲回於後庚前星耀重輝之彩令月貞于維
卯司天奏亭午之時已於本月初二日就加元服冊
封為王世子堯收舜冕之載加儼威儀之可象殷瑚
夏璜之有守仰宗祧之彌尊寶冊揚庭蒸然萬姓之

欽定補教 續編卷二 頒教文 十五

翹首玄端登作煇乎七章之華躬珩珮鏗鏘自中肆
夏之節樽壘瀲灩遙連少海之波遵先王長久之謨
盛禮並舉於一日荷皇穹篤禁之眷靈籙永鞏於萬
年既受賀於昕朝遂布恩於率土祥光日曜欣欣然
拭目而瞻協氣風馳洋洋乎盈耳之響謳歌屬於夏
啓爭稱翼子之詒謨寢膳問於周宮佇見國人之興
孝胄筵曉闢士多進善而弼違甲觀春迴時宜行仁
而布德云云於戲十六言傳授之心法如日月之繼
明四百年積累之邦基並泰華而增固庶品同宥於
壽域諸福用敷於箕疇

大提學浩
良浩製

翼宗大王冠禮頌教文

純宗己卯

黃離叶吉方鞏萬年之丕基青宮筮賓爰舉三加之
令典式遵舊制詒誥多方念國本實係於元良而古
典莫重於冠事敬儀慎德用士禮所以尚賢著代加
成乃人道由是責備夏曰收殷曰尋必貴正容體之
規周有祝漢有辭罔非謹禮義之始咨汝貳極夙膺
令姿賴天地祖宗之靈七鬯有主挺端凝岐嶷之表
寶冊定名謁廟儼成德之儀陟降悅豫視學問作聖
之本衿紳聳觀肆冲齡過勝衣之時而王家有早冠
之義符寡躬備服之歲適丁斯辰追寧考封冊之年

文苑補

賈扁卷二

頌教文

十六

舊甲惟卯茲當姑洗之令節載稽公冠之舊規已於
本月二十日就加元服賓師在前行作階而可儀可
象弁冕有序受元服而彌加彌尊儼乎黼袞之提躬
幼志既棄秩然醴醮之畢事德容益章在時則宜以
歲之正以月之令既字而祝俾熾而昌俾壽而臧舉
綈典而百僚騰歡洪大誥而六合蒙福嘉與爾百姓
同慶彌協氣於紘埏自此予一人無憂綿寶籙於宗
祏重明繼照齊頌星海之謠盛德在春廣推雷雨之
澤云云於戲仰三代有道之長豈敢忽於間言行事
膺萬歲無疆之曆深有望於遠年近民

金魯敬製官
藝文提學

翼宗大王嘉禮頒教文

純宗己卯

兆民賴主鬯之慶謠騰四重貳極舉迎相之儀禮備
百兩茲頒浚蹕庸彰嘉休予惟國本係於冢儲人倫
始於妃匹禮揭醮子之命嘉訓昭宗祧是承詩詠續
女之行戚化基家邦以御斯蓋古聖王所共粵稽我
家禮亦宜肆自建嗣之初首以擇配為急視學命字
儼然若干尺衣詢族采賢悠哉寤寐思服王世子嬪
趙氏稟合坤順德由天成極備閨儀自著令聞于外
弗煩姆教動循禮法之中久矣種德而毓祥篤生異
質宜其儻休而受祉克配元良式遵三揀之藝章載

行六禮之盛舉男子生而願為有室固予喜之可知
婦人賢而克昌厥家矧與望之允叶敬展筭棗承我
慈顏之欣愉祚啓綿瓜宜爾子姓之繁衍是誠宗社
大慶思與臣民同歡雷雨之澤旁流肆赦災青天地
之德普被壹視邇遐云云於戲周南麟趾之祥期休
應於百世箕範龜疇之福用敷錫於八方

弘文提學
金履喬製

翼宗大王冊世子頌教文

純宗壬申

羲經著禹明之象即一有以貞之休漢史徵豫建之
文乃久安長治之術斯誠我家禮自有非直先哲王
攸行庸循群情式揚顯冊念儲嗣為宗祧之本而國
朝重統緒之傳猗歟聖神之丕顯丕承貽燕謨於翼
子巍乎祖宗之有功有德垂鴻祚於裕昆逮寡躬叨
守洪基幸元良篤生睿質皇穹垂保佑之眷燕謀毓
祥異瑞叶靈長之符軒丘降彩容貌辭氣之合度纔
學步而威儀儼成聰明孝友之根心未就教而知思
先啓國本已定於誕彌係臣民延頸之心衣尺漸長
於若干供殿宮繞膝之樂惟茲德宇之夙就政合丕
蹠之邁加思法乎周家徽規輔導惟在於早諭若稽
夫皇朝舊典封冊宜及於冲齡屹如巨人早播譽於
克岐克嶷母曰小子是有責於肯構肯堂天命用申

值聖朝龍飛之歲星籒周甲符寧考虹流之年已於
七月初六日封為王世子七章緹躬儼玄端之弁作
貳尊繼體筮朱芾之冝家師傅賓僚之簡厥在廷備
承華翊儲之禮輦輿儀仗之授予舊御體先朝惜福
之衷龜從筮從卿士從庶民從顯踰進少陽之位昌
爾熾爾壽福爾耆艾爾第籙綿萬年之基爰修清廟
之明禋仍頒大庭之脩告占休祥於日月星海八域
騰謠真洪業於鼎呂泰磐一人有慶游雷叶吉允為
祈永之圖沛澤覃恩寧新疏蕩之典云云於戲宗廟
七鬯之有托庶周文之無憂訟獄謳歌之攸歸喜夏

啓之屬望勤遇物之誨而佇見成德推及幼之仁而

嘉與同懽

藝文提學
曹允大製

憲宗大王冊世孫頌教文

純宗庚寅

寡人罹體正之恫事莫重於繼序冢孫膺世嫡之號
禮采隆於陞儲斯乃稽皇典而率舊章于以鞏洪基
而續景命茲宣浚告用示咸休頃震邸承燕翼之謨
而甲觀騰麟趾之頌延頸之願共切係八方兆民之
心繞膝之歡政深符一堂三君之慶肆以寶籙之彌
衍爰有徽稱之肇加孫星寔副於前星位踰叶早定
之美吉日載卜於今日儀文得預講之宜增僚屬於

講書衛從幸丁千一之盛會陪元良於問寢視饌佇
申重四之純祺何否運之極艱奄離輝之永闕皇穹
渺邈哀此貳身王室孤危凜乎一髮顧今延國脉之
道當以建儲嗣為先惟先王父傳子之規以嫡為貴
粵我家祖依孫之訓厥統斯尊神人之望有攸歸宜
七鬯之豫主宗祧之托不可緩况尺衣之漸長睠茲
在抱之孫允矣祗承乃考自孩提而挺岐嶷之表由
躬教而著仁孝之譽聰明睿智之迥出尋常生有異
質言語步趨之自合規度儼若成人承華之位方虛
母曰冲齡之少俟錫冊之命已久舉望緝儀之亟行

已於九月十五日冊封王世孫煊七章而緹躬品物
咸備崇貳極而繩武典禮鼎新寵命贊上相而徃宣
恩誥臨大庭而誕揭人事之變嬗如此縱切遇喜增
愴之情天心之保佑可推尚為轉危回安之策是謂
卿士庶民之協龜筮自此本支百世之綿絜瓜上而
慰列祖陟降之靈下可遂群生愛戴之悃推恩覃惠
既值陟瀝之同歡蕩垢滌瑕詎靳雷雨之普洽云云
於戲此三代有道之術國勢如磐石泰山實萬年無
疆之休天保爾升日恒月益懋周王之審諭庶答夏
民之謳歌

弘文提學
趙寅永製

純宗大王水痘平復頌教文

純宗辛酉

荷皇穹之默佑，邁復天和。陳大庭之縟儀，永迓景祿。爰颺十行之誥，庸答八方之情。眇予冲人，嗣无疆大曆。貽我哲命，罔不在厥。初雖三載羹牆之思，攀號靡逮。顧一念淵冰之戒，跬步不忘。偶致大易无妄之憂，非忽夫子慎疾之訓。百靈呵護，箕疇占曰康之祥。六氣推遷，醫家稱小痘之吉。宗社之付托，至重予敢自輕。殿宮之憂慮，方勤尚其罔害。幸藉自天之祐，旋奏翌日之瘳。睟於面暢於支，瓜熟蒂落，怱然汗霍。然已雲捲霧消，追爾祖昂盛之齡。允符聖痘歌故事，體寧

考謙撓之德，不煩侍藥。廳常規政，當潛陽出地之辰。何待甘露回天之力，晝漏漸永，雙日之討論。將開宵衣載朶，萬機之酬接，無滯迺者。便殿之晉接，温然慈教之溲宣，薦帷之喜氣，初融復展，愉婉之色，磐泰之洪基，增鞏架著，保翊之功，薄海之歡，惟均。盖輿情大可見矣。我家之禮，自有非小子所敢辭焉。嗟膝廬無飾慶之心，而周庭重播誥之義。想昔年惟憂之念，曷任予懷。承列聖於昭之靈，勉循群請式，薦籩豆自廟。祖宮誕發，絲綸推恩，布德馨香，并而百祿，滋至雷雨。解而萬品咸新，云云於戲。民國尚多憂虞，寧思豐豫。

之舉德慧恒存疹疾更勉增益之工青瑣問安奚但
近臣之知喜紫泥頒詔庶見率土之歸仁大提學李
晚秀製
純宗大王大王大妃殿疹候平復頒教文純宗壬戌
內院移直綿一旬於起居上穹降休迓兩慶於康復
肆颺十行之明誥庸答八方之懽情顧予冲人叨承
丕緒體周成訪落之意思欲闡乎駿烈鴻圖以魯聖
慎疾之規戒常存乎燕消蠶灌宵旰靡懈恒篤豫逸
之憂寒暑交乘益軫節宣之要迺者紅疹之久熾遠
爾禁籟之浸干念宮禁之深嚴固知百靈之呵護伊
天地之流運自致一氣之侵延時則有壺度之彌留

偶然同寡躬之靜攝冕迎之禮屬耳繞行朝謁之儀
湯劑之議均焉偕舉廷候之節是謂天作之合政須
簪珥之良規適茲時候之愆遂同刀圭之對試證候
既協於移直藥餌庶效於同功帝王家休徵自存聖
疹美疹之呈瑞祖宗朝舊例是做侍藥議藥之設廳
仰殿宮焦勞之心予何安於床第顧廷班趨造之列
閱其違於簪紳幸茲自天佑之辰爰覩翌日瘳之喜
夫哉如雲消霧捲鳳宸燬而天容怡脫然喜心廣體
康翟禴光而陰化暢冀階之瑞旭方煦百僚獻岡陵
之祈椒掖之徽音采彰九嬪頌福履之盛猗歟國朝

未有之慶展也宗邦無疆之休天時屬履長之期政
懋殷盤日新之警宮闈迓昂至之福竚見周紘歲獻
之功宗祊之景貺潛周難遏對揚之群請薦帷之喜
氣方溢曷副嘉悅之慈心肆以廣慶志喜之規誕舉
稱賀播誥之典膺邦家之鴻慶寔荷無前之庥推衷
區之厯休宜思曠古之制昭并裸薦既廟社之告虔
畫滌垢瑕霑雷雨之作解云云於戲運方啓於亨泰
物各遂於阜豐域內敷馨香之治永迓第祿之滋至
宮中頌鐘鼓之樂庶期江沱之化行

藝文提學
黃昇源製

純宗大王痘候平復頌教文

純宗乙丑

寡人有疾憂普切於舉朝皇天降庥喜乃瘳於翌日
茲實宗社之洪慶乃與臣民而共休顧予眇小之躬
叨此艱大之業祖宗付畀之至重小子罔敢自輕寒
暑節宣之或乖聖人厥有所慎時則值哀違之際戒
尤切保蓄之方徽音永闕於薦帷嗟攀踊之靡逮憾
容方疚於苦塊懼榮衛之有愆豈意痘疹之熾延以
致禁縶之浸及一氣流遍雖或干於深嚴百靈護扶
尚罔害於興寢祥徵自著於疵顛宛明珠抱日之光
真元不藉於刁圭豈甘露回天之力院直式遵舊例
寧貽殿宮之惟憂庭候不逾浹旬庶副朝野之顯祝

幸荷列聖之默佑遙見諸症之夫間日期靡差譬若
瓜熟而蒂落天和斯復霍然霧捲而雲消想肅祖聖
痘之歌幸復見於此日御寧考康復之所慶實孚於
昔年茲誠史牒上所稀豈人力之攸及孰謂帝王家
自別寔天命之庸申喜勿藥而慈心始寬休無疆而
輿情胥悅惟昔疾良已之會即寶命維新之期邦籙
增鞏於迓休爰有飾喜之故事群情舉切於同慶宜
推廣惠之常規嚴廬當宅恤之時愴尤增於此際禮
官建守經之議言有概於予心茲當虔告之先行爰
命浚誥之差退保佑寔荷於陟降敢緩清廟之修經

儀節無碍於後先姑徐大庭之稱賀迺於因封禮畢
之後誕舉多方播告之儀布德行仁與之更始衍慶
施惠寔有故常天地之德曰生既昭蘇於品物雷雨
之澤作解宜畫滌於垢瑕云云於戲字跡所以聳群
聽稱慶所以章神祐膺九五之敷錫箕疇曰康期億
兆之昭明堯民於變藝文提學
黃昇源製
純宗大王患候平復頌教文純宗壬申
寡人有疾久切違豫之憂上天申休聿迓遙復之慶
八域齊忭十行誕宣予叨四百載丕基用祈萬億年
永命荷祖宗付托之重戒恒存於淵氷值民國艱虞

之時心靡安於錦玉春秋方屬於鼎盛寧恤萬幾之
貽勞寒暑易愆於節宣或慮六氣之為沴適緣清燕
之失攝以致榮衛之欠和醫治多方內院之積月輪
直與憂普切外庭之間日候班惟進退劇歇之無常
而溫涼補瀉之莫適顧一時之无妄庶幾神明之共
扶遲翌日之乃瘳固知聖人之不免羗戎潜伏於穀
下謂此時之可乘桴鼓忽警於閔西痛彼賊之敢抗
嗟時事若無涯埃伊民情從以繹騷重貽殿宮之惟
憂眷予小子尚冀皇穹之垂臨粵我先王何幸景祿
之造臻居然昔疾之今愈若天地之回泰俞扁之神

方既收如日月之方升宗祊之瑞運重啓向者刀圭
之數效百僚焦心今焉羽旄之爭瞻萬姓喜色夫豈
人力之攸致實是邦庥之無疆少愈之戒猶深撫寡
躬而惕若多瘳之憂旋切覺善端之藹然床第甫安
寧忘采薇之征士匙箸纔復益軫填壑之飢氓茲當
沉痾快祛之辰宜思實惠推廣之道迫群請於廷賀
既修清廟之明禋循彛章於萬呼爰颺大庭之脩告
豈此舉或出於豫大而素志未遂於謙冲體乾坤好
生之仁施恩布德法雷兩作解之義蕩垢滌瑕云云
於戲治心為治病之源敢忽攝生之戒醫國如醫人

之術宜求壽民之方

藝文提學曹允大製

純宗大王患候平復頌教文

純宗乙亥

寡人有疾閱月違豫之憂皇穹垂庥不日奏康復
 之喜爰遵彝典庸答群情嗟寡昧十載履癘而夙夜
 一念淵谷所以付畀者甚重惟天地惟祖宗恒若陟
 降之俯臨一興居一跬步允今悠悠萬事莫如保畜
 心身顧予眇眇一人叨此艱大基業非忽孔聖慎疾
 之義偶致大易无妄之憂百靈攸呵疾疾無闕干之
 理六氣互感榮衛失調護之宜始也體度之暫愆謂
 當天和之造復終焉腫候之寢苦遂至翌瘳之久淹

廷候始自九秋院直亦已屢朔寢膳動作之俱損殿
 宮之憂念每勤刀圭薰洗之迭陳臣民之焦遑普切
 萬幾之酬接多滯詎或勤惕之弛心四道之調賑方
 殷不啻恫瘝之在己何幸新卜之罔害聿見舊崇之
 斯除內托外消譬猶雪融而雲捲神清氣旺驗茲陽
 復而春回瑞運屆旃蒙之年追爾祖稱慶之舉靜攝
 移景春之殿符聖痘勿藥之休時則三陽泰來允矣
 百祿鼎至宸枕穩夜分之漏弛長樂不寐之思厨膳
 薦日御之珍藹承華亦飯之喜殆若乾旋而坤轉非
 宜藥餌之效靈從此松茂而川增將見基命之永鞏

文苑備考 卷之二 二十一
萱闈之慈顏始展縱慰養志之微誠葭屋之民憂孔
艱何安飾喜之盛典然神庥曰有所受而群請不可
終孤寧考之默佑孔昭益覺孺慕之增愴慈宮之譽
度纔復竊幸邦慶之荐臻格七廟洋洋之靈肅薦芬
苾副百姓欣欣之告浚發絲綸云云於戲爾惟咸歸
於至治予方益戒於少愈若俞扁之奏良技孰有醫
國之方亦堯舜之病博施願濟衆之說 藝文提學
李相璜製
翼宗大王疹候平復頌教文 純宗壬午
屬貳極之違疹其疾惟憂乃皇穹之降庥勿藥有喜
雖寡人在諒陰之日伊彝典乃列朝攸行顧惟艱大

投躬幸有元良繼體付托我宗廟社稷之重疊疊令
間之夙彰戒慎乎起居飲食之微憧憧每念之如係
寤寐祈祝曰惟九五康寧鞠養恩勤于茲十四年所
此緣紅疹之流熾至及青邱之遠嚴較常以數紀之
中往來消息之有候浸干於九重之內上下大小之
共憂父母之至情即然自爾竟夕之不寐祖宗之餘
慶是賴庶幾翌日之乃瘳旋復榮衛之和若有潛周
之貺不待麻方之對證動輒先期仍撤藥院之候班
曾未幾日發猶華敷而珠潤睟於面暢於支欽如春
回而雪消忍然汗霍然已矧旬日兩宮之同慶於萬

年百祿之攸基景命荷用申之天單厚俾爾賀儀符
建壬之歲曰有受予瑜珮鏘和供我萱闈之喜色矜
紳忭祝暨彼葦屋之群生奉明禋而自廟徂宮播脩
告於窮垓薄海少陽布煦囿萬品之咸熙元朝隔旬
迓百祥之曷至雷水之義為解盡滌垢瑕天地之德
曰生均覃遠邇云云於戲予方勉推己之政欽時用
敷爾其懷保子之仁永世無斁

藝文提學
李相瑨製

憲宗大王痘候平復頒教文

憲宗癸卯

聖人所不免者氣流時行神明若有相之天和造復
爰稽列祖彝典肆舉大庭緝儀顧念寡躬叨承洪業
惟天惟祖宗之所全付藐予幼冲命哲命歷年之在
厥初罔或逸豫荷兩殿之慈覆若保嬰孩慎六氣之
節宣詎忘跬步迺者痘疹之熾蔓至于禁闈之清嚴
蓋自周秦以來有斯疾也雖如軒岐之術其猶病諸
百靈攸護諸福攸綏固知罔害八域之內兆民之衆
尚切同憂幸茲翼瘳之休實賴天祐之吉精華就實
宛明珠抱日之光起欽如期類瑞莢知旬之候時則
一陽之潛動泰然百體之底康追肅廟紀癸之祥天
干適符今歲繼皇祖維乙之慶寶筭纒差一齡斯我
家列聖餘麻豈小子涼德攸致如雲消而霧捲不煩

文苑叢書 卷之二 二十八
刁圭之功若乾轉而坤旋增鞏磐泰之勢沈疴祛體
隻日之講筵將開喜色承顏三朝之誠禮復展伊昔
疾令瘳之喜即舊邦新命之幾薄海窮壤神入胥悅
呼嵩祝斗小大同情暮制在身詎宜豐亨之舉先王
有禮勉回謙挹之衷奉明經於廟宮播脩告於區宇
想昔年惟疾之念怵然增懷軫今日多瘳之憂惶焉
若恫一人有慶彌協氣於林慈大德曰生覃恩澤於
汪濊云云於戲子拘斡而灾沴廓蕩丙枕安而志氣
清明惟作善降之百祥懋宥密之基命用敷錫欽時
五福期仁壽之躋民

藝文提學
朴永元製

獻敬惠嬪患候平復頌教文 純宗丁卯

慈候有違豫之節憂纏六宮皇穹降邁復之休喜溢
八表式遵舊典誕告多方仰惟慈闈逾七旬之齡采
切小子獻萬壽之願于乘之隆養備至每仰前寧王
孝思三朝之徽誠益勤矣但華封人請祝際茲喜懼
之交摯適值榮衛之欠和睿候偶愆於節宣雖緣表
症之為崇寶籌已躋於耆耄其奈私心之如焦衣帶
不解於晨昏昕庭之候班屢設刁圭罔間於頃刻內
院之直宿夕移何幸壽母之維祺獲覩太醫之奏效
始也六氣之乖沴致一時无妄之灾今焉百靈之擁

扶迓翼日乃瘳之喜愧誠孝之淺薄幾多嘗藥之靡
遑瞻氣度之清和夫臻復饌之常節騰詩人如岡之
頌益切萬年之祝釐推聖王準海之思嘉與兆庶而
同慶茲援昔年之已例乃有廣庭之播脩百祿是道
荷天休之滋至十行載布協春物之昭蘇宜推一視
之恩咸囿動植爰降肆赦之典庸滌垢瑕云云於戲
念先朝廣慈惠之衷起追慕於感舊顧寡人敦孝理
之政撫嘉會於維新藝文提學
曹允大製
桓祖大王懿惠王后追躋永興本宮頌教文正宗乙
卯
軒紀光屆東方屬重熙之休殷禮肇稱北寢舉並躋

之享情文允叶播告庸脩恭惟桓祖淵武聖桓大王
篤生聖人肇基王業懸弧歲紀符成湯降乙之祥夢
尺邦休啓唐堯亭午之運若越黑石私第譬周漆水
舊基佳氣長留地勢占興龍之象積慶潛毓天心眷
夾馬之香第茲沛宮之祀高皇尚稽虞廟之禘黃帝
推始祖所自出固知禮意之則然歷累朝而未違蓋
緣事體之至重方太歲八回於舊甲又自天五慶之
用申居然四百載有餘華渚之星次復屆猗歟萬億
年伊始魯宮之岡祝方騰景籙滋長罔非眷佑之攸
暨心香遠格纔舉禋祀之攝將適茲多士之聯章始

議原廟之同享援國初肇禋之禮固宜今日之率由
體聖祖崇報之心奚但是歲之興感悅如提耳精誠
發燕寢之宵沕然同心詢謀協龜筮之吉永惟神德
后躋祔亦在誕年之寓懷殆若景靈宮朔祠豈合盛
事之專美列聖之志事是述所以付畀於予先王之
陟降於昭庶幾悅豫乎此茲命禮官擇日躋享桓祖
大王懿惠王后于永興本宮昭穆式序衣冠邇胥宇
之鄉芬苾並陳江山護眷宅之地既虔告於七廟復
大諭於八方云云於戲事實曠千慶又添一我將我
享禮本起於緣情爾熾爾昌孝不匱於錫類

藝文提
學李秉

鼎製

貞純王后周甲獻敬惠嬪寶齡望八陳賀頌教文

純宗

乙丑

宸極享誠奉至歡於萬歲殿宮稱賀湊吉慶於三元
肆舉三呼之儀誕頌十行之誥顧惟小子冲藐之質
寔荷太母保佑之功仰簾帷之光臨四載承闡導之
訓奉裘冕之淵靜八方頌慈覆之仁大義若日星之
明式闡先朝之謨烈盛禮舉舟梁之制誕啓百世之
本支邦命式至今休藐乎不與大德必得其壽祝以
無疆茲皇天錫岡陵之祺迺是歲回沙麓之紀奠葉

文苑補後

續編卷二

頌教文

三十一

初展春暉政屬於三陽寶籌彌隆天星載周於六甲
若稽仁元后故事允宜玉牒之浚揚適追我寧考孝
思詎無瑤觴之賁飾猗慈宮望八之壽亦我邦曠千
之期惟寡躬依庇之益深奉怡顏於長樂願微誠喜
懼之交切介純嘏於新元耆而艾壽而康奚羨魯宮
之燕喜博也厚悠也久實幸軒紀之齊隆念寶甲之
揚徽莫回冲挹之懿德值慈闈之同慶姑循忭祝之
群情肆當萬姓之均歡爰有兩慶之并稱璇杓之澍
氣方迓是日惟人寶曆之景運彌昌自天佑我情文
咸備政擬浚誦之揚休嘉祥昴臻寧緩豐呈之洎吉

凡在覆育之內孰不歡忭于中愛日忱誠方切願期
之遐祝環海歌頌幸占泰未之休徵天地好生既並
囿於動植雷雨作解宜盡滌於垢瑕云云於戲獻以
北斗南山豈止一人之有慶躋之春臺壽域庶期率

土之同休

藝文提學
黃昇源製

孝懿王后六旬陳賀頌教文

純宗壬申

八千歲為春泰運屬三陽之會九五福曰壽長樂躋
六旬之齡凡在陶勻孰不懽忭恭惟王大妃殿下稟
性淵靜秉德柔嘉奉慈闈盡孝盡誠嗣徽音於莘摯
事寧考克敬克順播至化於萬覃儼日為明贊丹宸

文苑補遺

續編卷二

頌教文

三十一

登三之治倪天作配符黃裳在中之文猗歟四十載
母臨允邁古哲后坤範顧予冲藐之質早承艱大之
基庇覆撫育之止慈十年一日寒暑疾病之貽念自
夏徂冬耳順之寶籌方隆志養之微忱益切受皇極
之錫福正直平康仰厚坤之體仁含弘光大景貺膺
川至之祿群情頌嵩呼之誠體昔年之搗謙尚闕顯
誦歷多日而回聽只舉賀儀景錄符莊烈仁元故事
述甲寅乙卯先朝之花甲載屆顧小子當作何懷止
堂之奠暉彌長願萬年皆如此日志慶飾喜宜推一
視之仁洗垢滌瑕爰舉肆赦之典云云於戲誦九如

并恒之什推吾老而及人值百祿咸萃之辰思一國

之興孝

藝文提學
南公轍製

孝懿王后周甲陳賀頌教文

純宗癸酉

天休用申慈極膺川至之福海籌回甲法殿舉山呼
之儀爰遵播告之彝章少伸慶忭之微悃竊念我大
母懿範允邁古哲妃芳猷贊皇考而獻脫簪之規陰
功洽於二紀奉慈闈而著嗣徽之譽嘉頌溢於八埏
猗歟積慶名門誕承明聖母盛烈肆惟履尊長樂克
追仁元后邵齡顧寡昧偏蒙至慈而眷愛寔自冲歲
體厚坤資成之德撫育恩深荷慈天默佑之仁保護

文苑補遺

續編卷二

頌教文

三十三

功大茲當寶甲之重屆益仰玉體之榮康春暉彌長
於靈萱誠深愛日天星載周於璇籥喜切知年鳳曆
啓七旬之壽瞻寶婺而增耀龜疇享九五之福絲瑤
錄而無疆此誠千一會難逢之休抑亦四百載罕有
之慶仰遵軫歲款之慈教讌姑徐於豐呈顧以祝月
恒之微忱禮宜先於晉賀奚但百僚之胥悅思與八
域而同歡喜溢春臺舉縉禮於正月上日頌騰海宇
祈聖壽於北斗南山既太室之明禋又大庭之誕告
群生皆樂宣漢詔於春和沛澤旁流體義絲於雷解
云云於戲教愛錫類一國孚孝理之休導和迎祥萬

化躋仁壽之域

藝文提學
金啓洛製

孝懿王后周甲誕辰陳賀頌教文

純宗癸酉

仰慈天之高臨采切愛日值周甲於長樂聿回誕辰
喜騰六宮綸頒八域洪惟太母之隆功至德克邁前
代之聖后哲妃漢練儉昭夙著戒濯龍之譽齊詩頌
播恒懋警鳴鷄之誠玄機贊乾九之劉德合中正黃
裳叶坤五之吉物歸舍弘慶毓塗山誕承明聖母微
範籌添海屋適追仁元后寶齡顧予寡昧之姿每荷
庇覆之眷春秋過耳順之歲願萬年之如今晨昏奉
膝下之歡養一國而不乏肆當是年之慶節益迓自

天之洪休惟其幽靜之姿致此得其壽得其位之福
 顧茲洞屬之念益切一以喜一以懼之忱然平日為
 謙之心常戒豫大修內厨薄需之具不許豐呈既受
 賀於大庭百僚同慶仍解澤於匝域萬品俱新云云
 於戲八十歲為春為秋新奠獻瑞九五福曰康曰壽

靈萱長暉

藝文提學
南公轅製

孝懿王后舟梁六十年陳賀頌教文

純宗辛巳

海屋添籌迓三陽於椒掖舟梁衍慶屆六紀於奠階
 誕舉葵章庸申字跡恭惟太母之懿範丕嗣京室之
 徽音配我東堯舜之君叶六五黃裳之元吉躬女中

曾閔之行罕今古彤史之匹休率土賴其永貞允符
 明聖母盛德皇天報以壽考克躋仁元后邠齡矧寡
 昧早承丕基而依仰惟在長樂致隆養於千乘或恐
 子職之未修篤餘慶於四重孰非慈恩之攸賜春暉
 長駐頌天休於於千玉度彌康協地寧於得一迨當
 太歲之在巳猗歟嘉會之適丁三揀符前宛天星之
 依舊五世繼昔尚雲漢之如新惟其膺川至之休肆
 致吉辰之重屆從古稱渭迎之盛歎觀舊甲之如期
 肆以泰開之令朝爰舉賁喜之職禮金泥玉檢雖謙
 先之莫回北斗南山惟遐祝之未足追魯邦眉壽之

頌咸仰俾熾俾昌較華諸甲回之辰倍切一喜一懼
願每年長如今日况是歲當作何懷覩天之祥追惟
於戲載新於孺慕愛日之誠彌篤顯揚寔出於至情
惟茲曠千歲洪休爰思與百姓同慶滌瑕蕩垢解霈
澤而芻流迎祥導和履春陽而均布云云於戲介純
嘏於并日恒月萬年承歡躋熙俗於壽域春臺八方
普洽

金魯敬製官

藝文提學

獻敬惠嬪八旬陳賀頌教文

純宗甲戌

今天其命曆年景錄湊三陽之會每歲願如此日慈
壽躋八旬之齡詎緩播告之脩茲迺罕覩之慶恭惟
孝康慈禧貞宣徽穆惠嬪邸下滄山毓祉京室嗣徽
琴鍾媿少陽之儀稟姿幽靜珩璫叶中饋之度秉德
和貞翼翼小心周室頌思媚之德洋洋洪福殷家膺
長發之祥所誦者善行嘉言得自小學致謹於周旋
動止夙有令聞惟寡躬承艱大之基而慈闈賴保護
之眷泰運方撫自知懿訓之是資謙志難回竊歎儀
物之未備猗歟盛烈之孔暢幸覩大耄之光躋愉愉
左右就之辰每仰年德之俱邵憧憧一再飯之頃益
切喜懼之交深符聖祖癸巳賀儀已占九五之嚮用
想先朝乙卯孝思敢曰萬一之仰承祇薦明禋禮則

猶故仍宣浚綽嘉興維新蕩垢滌瑕法義經雷雨之
解推恩施惠順月令發育之功云云於戲慈德克享
天心萬民仰亨泰之會吉慶肇自歲首太史占大有
之書

藝文提學
南公敵製

獻敬惠嬪寶齡望九陳賀頌教文

純宗乙亥

躋慈齡於大耋慶曠簡編舉綽禮於元正懽溢區宇
追先王孝廣八方恩恭惟孝康慈禧貞宣徽穆惠嬪
邸下京室之嬪聖人之母昔闕宮四重騰頌珩珮配
七章之儀我寧考九五光臨萱闈膺千乘之養三朝
周寢長瞻慈慶堂歡顏七酌函觥尚傳乙卯春盛事

猗保佑逮予小子繫愛戴惟我慈天殷郊毓受鞠之
祥符日月於沙麓漢宮藹含飴之樂婉晨昏於萊衣
若顧我復我之恩每仰母臨之孔邇推親心為心之
思恒恐子職之未修受多福而如并如恒已驗天心
之克享祝遐壽而俾壽俾艾更願山斗之與齊屬新
元運啓千千迺齡數叶九九歲又在乙愴寶甲奉
冊之儀天其用申邁八旬稱觴之禮猗歟華封之獻
祝展也姬夢之發祥魯壽母之遐齡大德必得周文
孫之篤慶徽音彌長鏤竹模銀慈志莫回於謙挹肆
筵設席邦禮未暇於豐亨式體昔年報暉之誠誕舉

大庭呼萬之典三殿之喜氣融洩罔非陟降之攸庥
千官之曉班濟蹕咸惟舞蹈之不足放四海而準自
三代敦興孝之治欽五福用敷亦萬姓歸同仁之化
爰沛解澤庸宣渙音云云於戲慈化與陽和同流囿
萬品於慶雲瑞日寶籙如天地彌久躋一國於壽域

春臺

藝文提學
李相璜製

純宗大王聖壽四旬即位三十年陳賀頌教文

純宗
己丑

自天有佑方屆鼎盛之四旬以歲之正又值臨御之
卅載監于祖宗之舊典暨爾臣民而同休惟予藐末
之姿叨承靈長之業嗣服在幼冲之歲尚至痛之未

忘負宸念艱大之投豈宴安之自暇幸賴有玉子之
責其代予勞若為能小民之誠以祈永命凜乎淵冰
之若涉居然歲月之滿多聖人不惑之年蓋言德盛
之驗王者必仁於世亦是治成之期顧在寡躬於斯
二而全未惟茲年紀以其數則適丁迺者高明之章
遽有晉賀之請諒貳極知年之喜頌萬壽之攸基稽
我家享國之長追四朝之遺緒縱有先王之戚舉顧
何敢於此觀矧又諸路之歎荒尤不安於豐豫肆浚
批而庸示予意逮復懇而愈見至誠謂率土舉皆同
情有難乎終拂念皇穹所以垂隲曷敢不祇承遂行

告廟之儀爰許呼嵩之禮未守謙抑之初諭寔感睿
恠仍戒節損於彌文勉以順志撫盈成而益懷兢業
對頌揚而反顧忸怩萬年惟王覩茲百工之齊祝一
人有慶思與八域而共熙當此曠絕之洪休合施恢
蕩之殊典滌瑕藏垢咸與維新廣惠覃仁自今更始
云云於戲天地悠久而成化神人悅豫而致和誕敷
恩言順茲布澤之春煦共躋壽域至于薄海之蒼生

大提學金履喬製

大王大妃殿五旬陳賀頌教文

憲宗戊戌

諸福致祥上天啓三陽之運大德得壽東朝躋五旬

之齡喜深知年誠切愛日恭惟明敬文仁大王大妃
殿下大任大妃之德女堯女舜之功昔在皇祖之御
家邦衍鴻祺於主鬯逮夫小子之嗣曆服垂燕謨於
抗裘推惠澤以啓初元陰教薄海定文祥以資內助
慈恩極天凡我血氣之倫莫不蹈舞於顧復撫育雖
古彤管所載孰能形容乎光大含弘肆以箕範曰壽
之徵誕屆孔聖知命之歲寶籙恰符於大衍道則悠
久無疆遐美載基於中身福之方進不已惟此慶年
之丕飾合有彝章之應行玉牒揚徽是儀也摸天畫
日瑤觴志喜其祝則北斗南山然慈念執謙抑之衷

文苑補遺

續編卷二

頌教文

三十一

而廷議却豐亨之舉盛德大業筵奏縱出於顯印實
心真情薦諭特發於懇惻予惟致孝之道當以養志
為先禮所未伸豈無抑鬱之悃讓而不有宜思將順
之方與其鋪張宏休闡崇踰於琬琰之美曷若對揚
明命尊聖德於日月之光遂稽貞純徽規式追甲寅
盛典此所以仰承俯答質聖人而無疑於是乎上告
下頌監先王而有訓荏旰庭而屬獻發之會御春臺
而迓熾昌之符騰歡聲於山呼陬澗普聳溢喜氣於
川至霈澤均覃云云於戲海籌長添婺暉永駐庭衢
達四涵神化於止慈岡陵等三廣純嘏於錫老

大提學趙

宣永製

大王大妃殿寶齡望六陳賀頌教文

憲宗己亥

君子性彌爾第錄鞏基萬之休王母福受茲寶齡躋
望六之慶爰頌如岡如阜誕告在野在朝恭惟明敬
文仁大王大妃殿下婦德摯任之于周母儀宣仁之
有宋翟瑜配乾極之位贊皇祖三十載并平燕謀毓
震鬯之祥綏宗社五百年泰運端莊貞靜彤管播徽
光大含弘黃裳協吉逮寡躬嗣服之日賴慈恩覆幬
如天荷撫育於寒暑之間每念節宣而保蓄佩義方
於晨昏之際必使晉接而就將抗裘冕於東朝厥施

文苑補註

續編卷二

頌教文

四十一

普也。囿幘幪於左海，無能名焉。申戒侈風，禁燕貨而嚴關石。子惠黎獻，議漢賧而捐帑銀。旌招畫禮，羅之規式。冲人之輔導，鑑別勉品。衡之責監，先王之憲章。所以太和致祥，詎無大德得壽。猗前年騰知命之祝，况今辰增愛日之誠。天休用申，長樂隆千乘之養。太歲在己，大衍加一策之奇。稱瑤觴而介眉，厥有前寧人已。丑彝典揚玉牒，而稽首先合貞。純后乙卯鴻名，是乃列朝之燕貽。家法邦禮之斯為盛，莫不舉國而齊請天理人情之所固然。惟慈哀允執，撫謙伊臧。典亟拒侈，泰薦帷發。懇惻之教，克軫荒年。化離簡冊，垂

冲挹之光，悉祛浮文煩節。識喜若有未盡，敢云舊章之不愆。養志豈在無違，違恤衆願之或缺。肆予崇孝之道，亦有飾慶之規。盛禮靡備於豐亨，縱莫伸喜懼之悃。德讓克著於損抑，尚或為將順之方。斯儀也，千歲者三實基。此五旬有一，必得位必得祿。祝以北斗南山，俾爾熾俾爾昌。時則正月元日，瑞椒捧紅雲之色。爛彩章於婺躔，靈萱報青陽之暉。添寶籌於海屋，既牲香之薦太室。又鳳綉之宣祈庭，蒼陸答烟花之謠。禎祥疊至，玄臺布雷雨之澤。因罔皆空，云云於戲。王政先斯施仁，治道莫如興化。徽猷卓越，綿駿祿於

文苑叢書 卷之二
無疆景貺潛周錫雁禱於不匱

趙秉鉉製官
藝文提學

大王大妃殿寶齡六旬王大妃殿寶齡望五陳賀頌
教文 憲宗戊申

協庶民龜筮嘉會方屆於三元頌壽母岡陵寶齡並
隆於兩殿茲推立愛之孝思庸宣廣慶之溫綸猗我
太母厚坤安貞慈天光覆昔皇祖丕顯駿烈贊大猷
於熙雍逮寡躬嗣承鴻基裕徽謨於保翊迺休命於
泰山磐石七載抗裘冕之尊敷仁政於窮澁遐陬兆
民被幪幪之化至若絃綆玄統之美不能勝書蓋自
簡策彤史以來所未有盛亦我大妃徽音克嗣懿德

難名奉慈闈而盡孝敬之誠婉容愉色配寧考而著
承順之道柔則嘉猷母儀止慈念常軫於顧復撫育
坤元叶吉德允合於光大含弘猗長樂之高臨隆養
誕膺於千乘雖命令之不出陰化潛孚於八埏自念
予小子寡昧之姿偏荷兩慈聖眷顧之德啓佑之功
莫大式至今休劬勞之恩欲酬恭為子職藹和氣於
省定常奉三朝之歡顏願瑞暉之舒長以介萬年之
眉壽茲當太歲之在戊益膺景命之用申邵齡恰躋
於六旬東朝之靈春永茂遐籌始啓於五袞止堂之
祥萱長榮惟天其命歷年符大德之克享每歲願如

文苑叢書 卷之二 頌教文 四十一

此日筮景錄之永綿方慈壽誕臻於采高而微愧倍
切於尊顯一以喜一以懼恭瞻春秋之邵隆得其位
得其名正宜日月之摸畫任如之微並聞允矣曠千
載而罕行勛華之德追揚猗歟合四慶而恭遇嘉頌
載獻於慈極緝儀誕舉於大庭鐫玉稱觴雖遲待乎
季春三月拜箋進篚宜為先於是歲元朝寶曆之景
運誕開自天有佑璇杓之澍氣方迓與時偕昌準四
海而放諸佇期一國之興孝欽五福而錫厥嘉與萬
民而同休茲揚浚音爰沛解澤滌瑕蕩垢咸與維新
施惠覃恩自今伊始云云於戲瑞日呈彩寶婺增輝

慈化與陽春共舒園祥和於匝域邦運如天地彌久

躋仁壽於斯民

藝文提學
李若愚製

大王大妃殿周甲稱慶陳賀頌教文

憲宗己酉

翼子貽厥燕謨天休膺用申之會王母受茲介福寶
籌躋周甲之齡緝儀誕舉於元朝遐祝普騰於匝域
恭惟明敬文仁先聖隆禧大王大妃殿下思齊太任
之德有宋女堯之功配皇祖而御家邦已播二南之
歌頌篤寧考而主七鬯誕啓百世之本支至我坤元
之贊乾元以之母道而兼君道肆冲質未堪於負宸
綮慈恩偏荷於抗袞丕子之責是存閔予不造先君

文苑補遺

續編卷二

頌教文

四十一

文苑叢書
卷之二
之思以勗惠我無疆七載闡簾帷之治歛神功而厥
施斯普萬品囿憚懜之化賴陰教而式至今休邦基
永奠於泰磐顧復撫育之徧為德徽音屢揚於琬琰
含弘光大之不勝書巍乎無能焉名展也必得其壽
惟其三光明而六氣順玉燭凝太和之祥所以百神
佑而諸福臻寶籙撫靈長之運倚前春稱耳順之慶
又是歲值甲回之期寶婺增輝星紀載周於舊度靈
萱駐景海籌更始於稀年欣忭倍摯於此辰克體我
聖母純孝彝章遠稽於昔卯宜遵仁元后徽規相小
人羞考之時尚有賁飾之舉矧王家備物之養詎無

豐亨之儀然慈念允執謙撝而賦典不欲泰侈以小
子顯揚之願懇之甚勤軫頻年儀文之煩讓而不有
第順志是謂養志伊愛親莫如悅親與其鋪張宏休
荐飾物采之盛曷若祇承德意永垂冲挹之光迺以
中外願祝之忱爰定上下告布之禮致隆猶有未盡
惟群情縱或缺然崇孝亶在無違亦我家所已行者
於是乎三陽回泰其儀則萬歲呼嵩擊瑤函而介眉
瑞藟舒化國之日瞻璇闈而攢手彩雲捧老人之星
迓協氣於頌椒架切大斗之祈考溢喜色於獻篚粗
伸寸心之報暉登清廟而薦犧樽莅昕庭而宣鳳綵

群生皆以自樂導邦休於新春王政必先施仁推陰
化於霈澤云云於戲舉斯世躋之壽域欽時福錫厥
庶民千歲為春為秋祝履禔於難老一國興禮興孝
承駿惠於止慈

藝文提學
金學性製

大王大妃殿母臨四十年陳賀頌教文

憲宗辛丑

長樂隆養慈壽方祈於萬年海屋添籌母儀載屆於
四紀用播告於八域徧為德於群黎恭惟明敬文仁
光聖大王大妃殿下猗歟倪天之姿至哉厚坤之德
克配皇祖贊一代位育之治篤生聖人啓百世本支
之業粵自予嗣服之初歲式至今仰庇于慈天薦帷

况其勉臨幘幪著以盛化惟寡躬節宣訓誨之道一
出於至誠暨吾民困苦飢寒之流並歸於博濟欽紀
典而百神用饗飭官師而庶職无壞叙民彝而闢邪
異則夏九鼎之昭姦肅天討以懼亂賊則魯兩觀之
致辟七年聽政措國勢於泰磐一日釋勞欽神功於
頤養歷稽從古后妃之德未有斯隆庶幾在天祖宗
之靈申休其命肆膺龜疇九五福之壽光御翟禴四
十載于茲當慶年晉宴而冊徽先憲邦禮之可據伊
廷臣齊聲而筵籲天理人情之所同第慈衷恒存於
撫謙而聖諭益堅於英讓縱有列祖之職典曰何敢

於此觀矧茲平日之素規尤不喜於豐豫禮欲寧儉
實仰冲挹之愈光孝在無違惟知將順之為美迺以
中外顯祝之願爰舉上下布告之儀自廟祖宮既牲
牢之祗薦薄海環域又鳳綉之遍宣仍想率普之同
欣合施恢蕩之殊典神人胥悅宜百祥之鼎臻天地
好生期庶品之咸宥云云於戲此年元朝尚憶躋五
望六之賀恒月并日更祈於千斯萬之休藝文提學
金履載製
大王大妃殿母臨五十年陳賀頌教文當宁辛亥
子育兆民運撫萬億年亨泰母儀一國慶溢五十載
光臨爰推廣恩庸循故典恭惟翊敬文仁光聖隆禧

大王大妃殿下功兼君道德隆坤元昔純考萬機肝
宵夙著周亂臣夾贊粵翼廟三朝寢饁誕膺魯壽母
康寧得其祿得其名簾帷居正無疆休無疆恤裘冕
抗尊慈極覃幃幪之恩遐邇囿康衢烟月宗祊回綴
旒之勢呼吸真磐石泰山念小子承艱大之基而聖
慈勤庇佑之眷十行之懿訓斯摯敢造次之或違一
初之哲命載新忍畀付之罔效大哉貽謨之燕翼曷
任報暉之草心屬新祝方騰於三元猗寶曆益繇於
五紀叶羲易衍策之數久道化成符勳聖問野之年
至治盼蠻並天地高厚延海籌於於千若日月恒并

基景錄於半百斯乃罕觀之大慶詎緩識喜之舊規
闡彌致隆粵稽仁元毋顯冊尊親敦孝尚傳戊申春
綈儀以制度則我家攸行以情文則藝典宜舉慈衷
懋謙挹之德終斬琬琰之颺徽恩諭軫節約之方悉
蠲水土之貢膳物采未具縱有缺於輿情誠禮粗伸
宜莫先於養志遂祇告於太室仍宣播於多方九五
頌靈長之祺惟孝思喜懼也切千一值休明之際庶
天心悅豫於斯願今匝域含生疇非慈化所覆若古
哲王為政要與庶品同休敷惠推仁誕浚綸之普暨
滌瑕蕩垢霽解澤之芴流云云於戲受命彌長釐嘏

單厚德教洋溢乎區宇播令聞於女舜女堯皇穹眷

集我宗祊迓歷年於有殷有夏

大提學徐箕淳製

王大妃殿四旬陳賀頌教文

憲宗丁未

大德必得慈極躋四旬寶齡舉國同休綈儀陳正月
上日斯乃一人之慶爰敷十行之音洪惟我慈殿聖
姿允邁古哲后懿乾坤元稱四德之美夙著協贊之
陰功震男符一索之祥永基靈長之景錄儼珩珮於
六服南國之盛化播謠察寢饌於三朝京室之徽音
思媚顧予冲藐之質偏蒙庇覆之慈奉一國千乘之
隆恒勉曾氏之志養承列朝重熙之業實賴摯任之

胎教荷寒暑保護之恩母儀孔邇勤晨昏省定之禮
子職是修趨彩服而怡愉孝子愛日瞻萱闈而喜懼
聖人知年屬茲四十春添籌益切萬千歲獻頌申休
之景命有僕俾熾而昌單厚之介福無疆自今伊始
純廟撰揭楮之記尚傳慈慶殿供歡寧考進祝岡之
觴爰有戊子春盛禮嘉頌雖切於川至莫回慈旨之
撝謙彝典止舉於嵩呼宜待他時之崇賁茲庸祇告
於太室予以伸賀於昕庭孝莫大於尊親此誠往牒
之罕有禮為貴於率舊抑亦我家之攸行浚綽誕頌
侔方春之漢詔解澤芻沛取其義則義經云云於戲

三陽方煦於泰來一德克享於頤養萬姓躋仁壽之
域歛五福而用敷八紘罔敦興之教放四海而為準

藝文提學
徐箕淳製

貞純王后垂簾頌教文 正宗庚申

昊天不惠我家奄遭崩天之痛小子尚在冲歲猥承
位宁之尊未過舞勺之齡一身靡所依仰遽膺負宸
之重萬幾何以摠裁方當讀書講學之時何論經邦
理民之事凜乎如臨深谷嗟歧路之迷方茫然若涉
江河無舟楫以濟險肆在前代新服之幼主爰有東
朝垂簾之懿規同坐一堂慈天著光履之德叅理庶

文苑補遺

寶局卷二

頌教文

四十八

政陰化有默運之功遠稽宋宣仁之訓哲宗尚傳女
堯之偉烈亦粵我真熹之翼成廟終致中興之賊治
斯往牒至今稱焉故後世所當法者恭惟我大王大
妃殿下以滄莘之名闕有任姒之聖姿當英祖在宥
之辰克贊熙隆之化暨先考昭承之日丕著扶護之
功贊內政於巍蕩之休黃裳叶吉運神機於危疑之
際青丘底安殿宮之和氣融融慈孝兩至閨掖之規
範肅肅德化難名徽旨特頒真宗祊於泰山磐石顯
黼屢受燬盛烈於金泥玉編溫音每承於含飴嘗軫
撫愛之念義方必勤於視膳益勉問學之功嗟今不

吊于天蓋切相依為命心存宗國惓惓於義理公私
之分愛深寡躬憧憧乎饑飽寒暖之節在昔世運之
雍熙既著彌綸之績矧今國勢之岌業寧緩燾覆之
功肆以舉國之同情乃有合辭而陳請始因撝謙之
德屢拒盈庭之言終以厚坤之仁竟許叩閣之懇仰
惟守經之念凡十啓而斬俞幸推止慈之哀迺一言
而快可簾帷靚邃宛長樂之承歡裘冕巍臨喜廟祏
之增重於戲一二日萬幾無曠奚但臣民之拊欣四
百年洪基賴寧仰想陟降之怡悅榮懷之機斯係愛
慕之忱益深

大提學洪
良浩製

大王大妃殿垂簾頌教文

純宗甲午

小子承堂構之基未堪多難太母抗裘冕之位幸循
輿情嗟上天不惠家邦維東朝永綏宗社竊稽冲辟
嗣服之日厥有母后垂簾之規在昔宋宣仁偉功尚
傳女堯之美踰粵若我貞熹淵德克贊成廟之休治
逮當大行王臨莅之初亦賴貞純后扶護之烈斯前
代所嘗行者蓋我朝自有制焉嗚呼眇末之躬奄罹
崩圻之禍視學之齡未過遽承玉几之音繼序之義
莫嚴勉陟黼宸之位藐茲冲幼惟知繞膝而承歡慄
若淵冰何忍泣血而登作承三宗之丕責曷云能堪

念萬幾之至繁罔知攸濟恭惟我明敬王大妃殿下
系滄莘之名閼躬任妣之澍姿慈天之光覆八方贊
成三紀之盛治重坤之資育萬品允啓億年之嘉祥
恭儉憂勤萬民莫不欽頌柔和莊正六宮皆得歡心
化成閨壺之中無跡可覩澤及陬澨之內與物皆昌
嗟冤毒忍說於庚寅而撫愛倍篤於冲子周寢視膳
每奉訓誨之溫音漢殿含飴至軫飢飽之微節矧今
萃然在疚益切賴而為生艱大之憂方深所恃止慈
之德安危之機斯繫尤望翼幼之功肆以舉國同情
之辭爰請歷代已行之禮當大小哀違之際陳故事

而顓誠以平昔謙畏之衷守常經而新許歷四日而
群情莫遏凡六啓而俞音始承同御一堂簾帷之朝
儀靚肅聽理庶政綴旒之國勢真安衆心幸以維持
寡躬有所依仰於戲陰功默運仰京室之嗣徽懿德
光宣並宗祏之增鞏若蹈虎尾撫基緒而多憂恭瞻
翟禕想臣民之胥悅

藝文提學
李止淵製

大王大妃殿垂簾頌教文 憲宗己酉

小子奉嗣服之音新承大統東朝臨抗裘之位式遵
舊儀嗟皇天胡忍鞠凶庶慈德尚克保護竊惟冲辟
之纘緒厥有母后之垂簾猗我貞熹貞純之盛時所
嘗行者邁古女堯女舜之大德式克至于逮當大行
王臨御之初亦賴我聖慈翊護之烈此垂拱仰成之
道實為幼冲人當監即艱難弘濟之謨可見前後聖
同揆邗意天地崩坼之變若為宗祧托依之圖群情
靡逮於攀跣奉諱之悲方切慈教誕宣於哀痛繼序
之義莫嚴陟降皇靈庶佑羲鬯之有主生長閭里詎
擬代邸之入承第惟三宗之丕基勉奉長樂之明命
顧寡躬之眇末罔敢或知睠國勢之虞危益難攸濟
只恐付托之不效曷云艱大之能堪恭惟明敬文仁
光聖隆禧大王大妃殿下周室太任魯后壽母三紀

敷蘋藻之化御翟幃而懷綏八域圍幘幘之治貽燕
謨而篤棊真宗紡於泰山磐石歛神功之若無燬謨
烈於金泥玉編頌介福之茲受忍言降割之酷既經
前寅後午之餘豈知逆理之遭又在今百回甲之歲
然軫輦業之大計深抑止慈之至恫慄若履薄而臨
深所恃撫我之德藐然踐位而行禮尤望翼子之功
肆循舉國之同情克遵列朝之故事此時煩懇固知
貽憾於慈懷頃年已行允合近稽於令典群黎有所
依仰休恤無疆丕緒得以維持愴幸交摯一二日萬
機無曠矣但臣庶之歡欣五百年洪基永綏仰想祖

宗之怡悅於戲徽音宣而宗祏增重柔化敷而品物

咸亨人心合於天心若生子自貽哲命毋道兼以君

道舉斯世偕底太平

藝文提學
金學性製

大王大妃殿撤簾加上尊誦頌教文

憲宗辛丑

貽燕謨於歸政邦務始親加鴻誦於闡徽慈德彌邵
既臨端門而訪治仍晉寶冊而颺休敢當其命之維
新惟思職典之率舊念予冲藐之質早承艱大之投
民之允懷尚有賴於列聖積累之澤治而從欲亦仰
成於太母提撕之教迨慈旨浚諭於釋勞而政事益
埤於親摠當尼父志學之歲固宜畫修治之方追皇

文苑叢書
卷之二
祖躬聽之時若為善繼述之道上膺四百年宗社真
安之責若蹈乎淵水下軫億兆民寒暑怨咨之憂寧
暇於宵旰然念式休于今日莫非仰庇於慈天惟我
大王大妃實是女堯女舜粵自舟梁初載陰功著於
配乾及夫簾帷七年仁恩浹於率土視民傷而屢勤
漢賤惇天叙而廓開洋邪念大義之必明則森嚴亂
逆之討誅戒小人之勿用則次第奸凶之屏竄斯致
大宇之化洽頌一德於思齊矧茲長樂之養隆等百
世而卓越肆群情咸願闡美稽舊典亦宜加稱曷以
揄揚於之德之功少得形容而曰光曰聖爰覩二慶

之並漢思與八域而同休浚誦誕宣順春令而布德
沛澤旁溢體天道之好生云云於戲國事日艱惟望
我百工協贊慈恩天大庥共爾萬姓頌祈
藝文提學
金履載製
大王大妃殿撤簾頌教文
當宁辛亥
長樂致養東朝釋萬幾之煩明堂出治正春布一初
之政若為群黎徧德咨爾有衆咸聽顧以寡昧之姿
曷副畀付之重再造邦而式克至今日是誰之功新
服命而罔不在厥初惟予以懼竊稽古后妃哲範莫
如我慈聖弘徽配聖人而翊神孫助之者深成之者
遠化閨門而被一國富而能儉貴而能勤猗任如之

德堯舜之仁重以久道而成教雖詩書所稱竹帛所
紀莫之并美而匹休慟已夏尚何忍言嗟我家未堪
多難簾帷定策莫國勢於綴旒之時裘冕抗尊鎮人
心於嗣服之日五十年廣博厚載既浹髓而淪肌億
兆民心悅誠孚致回否而轉泰閔予負荷之丕責賴
有垂拱而仰成縱如宣帝之久於民而吏治得失之
未具識暨乎高宗之作其位而典學終始之未及修
六氣寒暑之節宣篤一念於庇覆撫育四方水旱之
晉奏勤庶政於懷保勞來迺於崇政殿臨筵之辰誕
降儀鸞司撤簾之旨陳徽懇於反汗慈哀莫回宣至

訓於傳心先思以勗敬天法祖乃基命定命之洪猷
導俗御邦即歛福錫福之嘉會舉措之光明正大懿
規彌彰辭旨之眷懇諄勤群情益頌典章繼貞純后
故事儀文遵庚子冬已行寡躬受大德至恩隆穹厚
坤之曷為報宗國存偉勳盛烈金寶玉冊之所難形
歡承三朝每荷遇物之誨養隆千乘常切順志之誠
肯堂構而樂由舊章凜淵冰而不敢自逸燕謨承詒
於翼子茲予繼序思皇嘉猷懋底於協寅曰我凡百
有位溫綸特軫於葦屋至蠲水土常供瑞暉長駐於
萱闈舉獻岡陵遐祝肆當兩慶之并濊思與八域而

同懽三陽肇回順令布澤萬品咸囿推惠覃恩云云
於戲周人詠思齊之詩漢民聽寬大之詔善繼列祖
明訓隆熙朝於三五之治永頌聖母洪功躋壽域於
千萬斯歲

藝文提學
李敦榮製

翼宗大王聽政頌教文

純宗丁亥

一日應萬幾之繁久未適於攝養貳極係兆庶之望
爰有命於代聽惟舉措非出權宜而祖宗默垂眷佑
念予寡昧之德叨承艱大之基冲齡宅宗曾昊天之
不吊二紀圖治嗟日月之其愒暑雨祈寒之是憂式
至今日廣廈細旣之雖處若涉春冰奈茲靜攝之多
時以致機務之或滯顧昕夕非忽於乾惕伊宵旰實
妨於節宣初心漸違於勵精尚懼不克負荷庶政方
急於振紀若為弘濟艱難睠茲一人之元良夙播八
方之令聞七鬯有主粵自雲虹之告祥衣尺漸長儼
然天日之呈表躔路陪輦聳萬姓加額之情雷肆橫
經溯百王傳心之訣仁孝之德克著付畀之意深
銑樹分輝侍三接於宸座珠冕承禧攝大亨於宗宮
三朝之誠矣但問寢而視饁歷代所重蓋稱監國而
撫軍肆念寡躬之分勞爰採國朝之成憲禮則然矣
自我先君而行舉而聽之是惟玉子之責深惟宗國

大計亟斷予衷咸造公卿庶僚敬承休命雖儲宮異
牘之申懇而大庭溲綸之已宣迺於本月十八日命
王世子聽政苟非兵刑之大要勿煩啓稟凡殿中外
之庶務悉令總裁胡淵蟻護之中幸便起居之調養
溫文恭儉之質佇見治道之練明稽唐宗之故章于
有光矣以文王為賀祝其無憂乎既祗告於廟宮用
播脩於寰宇匝域同慶攬星海而騰謠沛澤旁流象
雷雨而取義云云於戲山河增鞏神人胥歡罔不在
殿初四方仰高明之照斂時用敷錫三陽導泰和之
祥

大提學金履喬製

仁政殿重建頌教文

純宗甲子

鞏舊邦於青丘自天之祐煊新構於紫極不日乃成
庸敷十行誕告八域顧茲昌德前殿即予視朝正衙
王者嚮明出治倣周家八總之制聖人踐位行禮像
漢廷九級之尊闕不侈而樸不卑想英陵昭儉之德
烈丕承而謨丕顯仰列朝積累之基矧茲二字額之
錫嘉允矣四德首之取義大哉乾元之資萬物君止
於仁譬若辰居之拱衆星德以為政勻石夏府幾軫
懸象之謨玉燭春臺每占隆棟之吉豈意仁天之示
警迺有前冬之告我以恐懼修省之心縱思靈臺之

大德補後

續編卷二

頌教文

五十一

勿亟顧朝覲會同之地詎緩路寢之重營仍舊如何
我家自有制度卜云其吉卿士莫不叶從乃名司徒
司空贊我肯堂肯構始念役鉅而時詘不欲以民力
為終幸歲熟而冬暄殆若有造物相邛山之脩材并
湊榱桷椽椳岐原之鑿鼓不勝尋尺繩墨毋侈前無
廢後一遵成規惟善始乃有終三朔訖役猗歟金榜
之載煇儼乎寶宸之方臨劔佩迭趨肅天闕於象緯
鏘簾并奏囿民物於庭衢海屋添籌政值漢長樂之
騰賀瓊闈增重益勉唐延英之開筵中外忭歡宜推
與民而同樂上下告布實幸轉灾而為祥輦車長輝

占休命之益鞏鳳曆頌令喜陽和之方宣於戲輪奐
增光并恒騰頌先斯四施仁發政寧緩顧名之規錫
厥庶歛時用敷須臾同慶之意

藝文提學
黃昇源製

三朝寶鑑親上後陳賀頌教文

憲宗戊申

昭揭列祖之德功爰有寶鑑明徵三宗之謨訓載輯
續編丕顯丕承允文允武恭惟我正宗大王溥博廣
大祖述憲章盛德至仁史不勝記鴻光駿烈民無能
名化軼唐虞粲然禮樂刑政之備舉道接洙泗蔚乎
學校庠序之賓興修齊治平之貫始終本乎誠正日
月霜露之所照墜莫不尊親是書之勅成粵自光廟

一部之合彙亶由睿裁肆惟我純宗大王挺神聖姿
撫熙皞運萬世永賴宮室飲食之是卑是菲大德懋
昭聲色貨利之不邇不殖戡靖西醜天討乃行廓闢
洋書民彛攸叙可一言盡配高明而禿疆與六位成
施雲雨而斯普亦惟我翼宗大王學懋時敏敬克日
躋德協禹罔仁孝溫文之孚于上下治攝堯倦滲漉
滋液之浹于澼陬慈惠振窮念每軫於饑饉水旱齊
眚承禧誠克著於禴祠烝嘗尊德性而盡精微萬物
發育嚴祗敬而翕受施庶績其凝金匱石室之藏可
徵文獻治成制定之實盡載編摩久矣未遑闕文揀

諸臣而纂次今也始成全帙越一歲而竣完如繫月
紀年悉遵體裁而得正其發凡為例亦有義起而合
經三聖人精一之心法相傳六十載治安之政謨具
備奚但予寡昧常目而思繼述之圖亦惟乃臣僚藉
手而為贊襄之道既晉書於太廟仍申賀於昕庭喜
氣懽聲可見沒世不忘厯恩隆化亦知入人者深稱
六慶於今春泰運彌久舉盛禮於是日景錄靈長體
三朝並欲生之仁浚音誕發推一世咸維新之義解
澤芴流云云於戲神人胥欣情文允叶于承孫繼永
期萬千年惟休惠施恩覃政與億兆民同慶

藝文提
學金英

製淳

大王大妃殿冊封迎勅頒教文

純宗癸亥

翟禴正位喜端闡之贊治鸞誥疏封迓膺使之宣詔
用昭邦慶式播群聽顧眇躬叨承丕基而中壺肇成
大禮紹列祖傳統之重政須蘋藻之昭將奉太母迎
相之音纜舉舟梁之盛制乾坤任定群情胥欣於儂
尊邦家禮宜彝典式遵於請誥陳茲微懇控于大邦
俟度恪修每推渥而偏被人倫攸始庶有願而必從
珠軒載賁於銅闈既名數之克備金冊遙祈於紫極
佇命誥之邁頒果然使价之儼臨聿迓制詞之遠降

儀文備九章之制錦采炫鮮封典配千乘之尊璽書
優渥遙執土物效一邦俟命之誠恭奉金泥荷十行
宣旨之寵於休一人之有慶斯覩八方之同歡鳳誥
初攀匝域聳於嘉會龍光所被庶品熙於洪仁天地
泰而化育隆喜溢朝野雷雨解而垢瑕滌恩覃邇遐
云云於戲基盛化於閔雖猗歟長祥之毓祉流閭澤
於惠駿時則陽春之布和

藝文提學
黃昇源製

純宗壬申

翼宗大王冊世子迎勅頒教文

闡邦休於鴻圖儲位豫建攀皇恩於鳳綉使華臨宣
式表同權用申誕告念寡躬續重熙之緒幸儲嗣膺

一索之休殷家毓長發之祥猗歟三宗之積累周邦
協篤生之慶展也一人之元良日表天章譽夙播於
英睿星輝海潤望已屬於謳歌茲以固本之宏謨爰
舉陞儲之盛典禮成貳極應皇祖龍飛之期光增少
陽符聖考虹流之歲尺衣漸長矣但供殿宮舍飴之
歡德器儼成可以托宗祧主鬯之重雖遠圖莫如早
建已定踰於東闈然玉冊未敢自專遂陳請於上國
迺者字小之德侈以錫名之恩荷寵光於宣綸建爾
元子分珍品於在筭既之中心星槎臨析木之躔皇
靈遠暨景錄啓磐石之業邦命維新而朝野歡聲之

普騰肆昕庭賀儀之誕舉頌十行浚汗之誦承華凝
祥副八方延頸之情綿秩播頌此誠皇天祖宗之攸
佑思與寰海人民而同休萬輝照而品物咸蘇譬陽
春之布澤解帶流而瑕垢悉滌體天地之好生云云
於戲燕翼貽謨嘉會益勉於遇物龜疇敘福至化咸
囿於錫民藝文提學
金啓洛製
憲宗大王冊世孫迎勅頌教文純宗辛卯
迓洪休於宗祊震極豫建攀恩誥於藩服星軺臨宣
式表同歡庸申敷告念我邦啓重熙之運幸文孫膺
長發之休續列朝詒翼之謨實協周家之傳緒供晚

文苑補後 續編卷二 頌教文 六十一

年含飴之樂允符漢觀之呈祥岐嶷端凝之挺姿金
精玉潤溫文仁孝之播譽月輪星輝惟睿質承正體
之尊而顯冊副延頸之願三宗之血脉丕續邦籙復
奠於泰磐八域之神人有依國本永鞏於震器貳儲
不容整曠微稱肇加蚤建寔出遠圖綉儀斯舉茲當
宗祧之托重爰請封誥之疏恩名位雖定於小邦不
敢自擅彝典必控於大國於禮則然向幸使价之造
臨聿覩恩命之遐布屈皇華於原隰鳳綉誕宣頒寶
冊於海藩鴻踰載錫恩拚在笥煨黼黻於身章榮動
啓函侈錦綵於心貺前星增耀迓駿命之維新匝域

晉欣荷龍光之遠暨肆於昕庭之騰賀詎緩寵澤之

敷休云云於戲謳歌咸歸導和氣於萬姓元良有慶

綿寶曆於億年

弘文提學
洪羲俊製

孝顯王后冊封迎勅頌教文

憲宗 訂酉

大昏迓百福之原黃裳叶吉中朝頌九章之服丹闈
疏封式表同歡庸申敷告念眇躬叨承鴻緒荷賢匹
肇御翟褕紹列朝啓後之基王道造端於夫婦奉太
母迎相之命天德作合於乾坤六宮之嘉頌載颺珩
珮守訓七廟之明經共薦蘋蘩齋誠闡周家二南之
休舉幸齊體而儷極倣漢室長秋之制允宜備物而

正名肆專价啓陳奏之行而皇旨企許準之典青丘
修執壤之禮庶有願而必從恭廷邀錫冊之恩寔靡
情而不顙迨茲啣命之使纔返儼然宣誥之勅遙臨
星槎馳析木之躔恩出同慶績總備珠軒之飾寵紆
匪頌啓竺泥而駿命實天擎琅函而龍光燭地欣壹
位之新荏絳儀既成於冕迎荷皇靈之遠敷顯踰克
定於重諭歡溢環域賀騰昕庭琴瑟諧音正屬六禮
之飾喜雷雨解澤宜有八方之覃恩云云於戲廣陰
教於紘緹贊宸極初元之治鞏邦基於瓜瓞衍本支
百世之祺

大提學趙
寅永製

大妃殿冊封迎勅頌教文

憲宗乙巳

六駝備百兩之禮翟瑜媿尊四牡賚九章之頌鳳紵
疏寵鬯羽彝典播脩驩康念寡躬叨艱大之基而王
政資順承之吉陰柔之教實闡含章在中風化之原
是由定位乎內肆德選爰正中壺伊休命誕啓生民
宜其家人罔或愆於勤儉孝敬承我宗事與共將於
禴祀烝嘗思媚徽音奉兩殿之嘉悅寤寐良佐字八
方之靳願粵稽我家禮攸宜厥惟大邦惠是徽名必
也正待封誥之熙章願無不從儀頌瑞之舊制迺者
使槎之纔返更侈皇華之載馳嘉乃壺則之資成俟

文苑補載

續編卷二

頌教文

六十一

度克守俾以物采之繁縟帝命不違拚寵靈而樂土
覃恩迓景貺而盈庭動色晉錫蕃庶珠軒映錦彩之
輝浚音昭回琅函擊金冊之典茲乃君子造端之會
寔有臣民共慶之規日月照臨喜貞明之齊體雷雨
作解致霈澤之周流云云於戲含弘光大而品物亨
頌騰六五位元吉壽考福祿而王心廣基延萬億年
敬休

藝文提學
金興根製

乾隆八十稱慶迎勅頌教文

正宗庚戌

執壤之使華言旋誠拱北極呼嵩之縟儀載舉恩覃
東藩式遵典藝庸脩播告猗上國際五百熙運而中

宸享八旬邵齡鴻化丕闡於萬方西被東漸鳳曆大
衍於五紀日升月恒調玉燭於奠階九五福曰康曰
壽添寶籌於海屋八千歲為春為秋燕賀纒騰於中
州龍光旁流於左海玉節之聘特寢軫貽弊於小邦
蒸泥之封付頌嘉同慶於內服况侈一幅寶墨別是
千古異恩奎翰寓祈祝之辭迓休命於則百箕疇演
敷錫之化占靈籙於斯千蕪荷錫賚之便蕃倍覺榮
寵之隆擎攀瑤函而抃手遙切頌恩之誠望玉墀而
翹心詎緩識喜之典茲承一視之渥爰頌肆赦之章
云云於戲雲章浚宣與三春而同惠天休昴至暨八

域而騰歡

藝文提學
徐浩修製

乾隆尊謚迎勅頌教文

正宗己未

儀伸晉香方俟專价之載返禮成節惠聿覩温綸之
誕宣寵命斯遵多方庸告仰惟先皇之盛烈式紹聖
祖之宏謨寶籙綿磐泰之基猗歟六十載化理洪圖
拊淵冰之戒允矣億兆民涵濡乃武乃文川蜀之外
底定曰康曰壽漢唐以後所無茲當尊謚之加隆復
承明詔之遠降真游寢遠喬山之弓劍永遺懿號載
揚太常之寶牒光薦舉上國播告之禮寔遵彝章侈
外藩宣諭之恩仍付來使每想便蕃之殊渥粵自昔

年不圖曠絕之隆私復在今日爰體十行之頌詔詎
緩八域之播脩鴻彌闡晝日之章百世永頌駿德燬
配天之美萬方同休於戲緜儀肇稱仰孝思之不匱

景運方啓沐洪私之采隆

弘文提學
黃景源製

嘉慶受禪後迎勅頌教文

正宗丙辰

星使載還鴻恩遠暨天詔仍付牒域同歡式遵典藝
庸脩播告猗歟上國方亨之運實是往牒所無之休
熙皞無為之治踰六旬邳化仁壽必得之理近九耄
邠齡囿八荒於壽域春臺敷五福於普天率土璇甲
重回於御極寶位誕授於繼明備純嘏而居太上之

尊三代亦有是否傳聖子而頌嘉慶之誦萬方咸曰
休哉大慶溘至於如川殆天所佑小邦奔走於執壤
在禮則然命停玉節之行寔出體下隆眷隨荷泥封
之貺別是格外殊恩燕賀已騰於中州茲體一視之
渥龍光芴溢於左海爰降肆赦之章云云於戲萬國
同慶之休事曠千古十行誕宣之誥序屬三秋

具序

藝文
提學

清皇后冊立後迎勅頒教文

純宗辛酉

翟儀誕舉迓吉慶於中宸鳳綸遙宣覃霈澤於左海
迺申敷告式循典彝顧我邦偏處外藩而上國一視

內服玉帛恭執不替朝覲會同冠蓋相望無間侯甸
采衛自先帝御六紀之日恩沾東漸逮嗣皇莅一初
之治誠切北拱丹宸之至化方闡黃裳之寶位維新
君子所貴造端播芳譽於珎珎邦家最重齊體隆丕
號於椒闈吉日良辰爰備綉禮溥天率土咸與同休
賁然四牡之載馳溲乎十行之遠降萬里返執壤之
价始盛事之欣聞九重瞻呼嵩之儀又德音之祇奉
以大邦柔遠之念屢垂洪私當中壺儷尊之初特示
同慶斯誠遵古之美典庸誥匝域之群生云云於戲
布惠推恩朝野齊忭宥肯赦過雷雨芴流

大提學李
晚秀製

清太后加上尊號迎勅頌教文

憲宗丙午

鴻跚載揚方深拱北之悃鳳詔隨降聿荷漸東之仁
用亶播脩寔循彝憲永念大邦壽母之慶迺有前冬
顯親之儀萬乘養隆膺龜範之五福八表頌溢迓燕
喜於七旬肆當二字闡美之辰遽紆十行誕敷之典
飾休之綈禮光舉猗鏤玉而範金與幸之輿情寔同
宜梯山西航海第惟內服均視之渥重侈回槎順付
之恩漢御史之行寧或有煩於列國晉士會之返惟
今致命於寡君攀雲章而翹心望嵩班而擯手云云
於戲牡輔啓道伸陔澂之共歡雞舌騰墀導霈澤之

遐暨

弘文提學
趙斗淳製

道光皇太后尊謚迎勅頌教文

當字庚戌

大行受美名仰一德之攸致小邦承優渥荷兩詔之
兼頌用亶播脩俾告區宇洪惟先帝三十載賊化永
綏上國萬億年丕基恭儉憂勤圖厥終而罔懈文理
密察自貽初而克虔亦粵皇太后懿規久享聖天子
隆養瑤牒屢颺奉含貞之徽音玉度彌康頌融洩之
至樂豈意駸輪之莫駐遽覩龍馭之繼升慈孝方孚
慨明命之不吊創割斯極寔過哀之為愆猗嗣皇宏
闡先謨而尊親誕述彝典揚厲厚載之美布告無疆

鋪張對天之休宣昭率土矧浚綸順付之舉在震服
受賜者多嗟迎送之既繁口有回价亦規例之可據
何必專馳斯實曠古之恩與共維新之祝真遊寢邈
望象魏而如臨顯冊遠宣舉鰲封而均愴於戲帝德
遐冒久被漸東之教侯度恪遵深拱北之悃

大提學趙

咸豐登極迎勅頒教文

當宁庚戌

龍章承序帝座新於宸極鳳綉覃休使車涉於賜域
茲敷脩告式循彝規顧惟左海偏叢之邦久荷先皇
曲范之渥丕冒海幾千里遐邇若咫尺威厥享國三

十年眷顧非一二事方切九疇壽康之祝遠值四海
過密之辰何幸謳歌之攸歸復覩黼宸之克紹儀間
之仁孝智勇膺天人之與能授受也正大光明暨黎
獻而騰頌猗繼述均視無外而軫撫特推由中不有
遐陬跋涉之勞价僕遵式為念僻壤龔宇之費哀慶
兼頒斯實曠世之殊恩詎無匝域之誕諭惟其九五
位利見邈我霜露所濡同我億兆民好生懽然雷雨
作解云云於戲侯度固缺彌堅事大之誠邦休永孚
寔由恤小之惠

大提學趙

清皇后尊謚迎勅頒教文

當宁辛亥

月馭先陟慨徽音之負冥星軫早旋攀顯跡之追闡
 式循彝典爰告多方念我皇夙彰令聞而哲配弘贊
 內治禮教慶靈表英媛之澍德柔雍仁順著來嬪之
 嘉譽方乾龍之時并已雲駝之莫及疇共三年之喪
 仰宸念之彌勤倪彼二儀之尊嗟壺位之斯曠幸茲
 正名之禮克歲揚美之規蘭殿椒塗溯長秋之懿行
 玉簡瑤檢播儷日之芳猷矧惟十行之遐宣每荷一
 視之渥澤宜有專价之舉咸使聞知特付陪臣之還
 俾省迎送斯誠曠古之寵益切事大之忱於戲縟儀
 載成奉壹惠之貽範綸旨是布與八方而仰恩

大提
學趙

斗淳
製

文苑叢書續編卷之二

